



門中武  
第 191  
卷 1

周氏  
杏庭

周氏  
杏庭

新校全九集序

月湖全九集題曰類證辨異者類陰陽虛實之證辨  
氣血盈虧之異其書四卷明史藝文志無錄也月湖  
不書姓氏當是浮屠察其文辭本邦之僧流寓錢塘  
而作斯書也舊序梓行在景泰三年日月湖聲聞海  
內然則本書宜廣布然所以廢者其後楊珣盧和王  
綸虞搏等選出以其日本僧之編繹故為楊盧等所  
壓不久而寢是以明史逸之也一溪先生筆胃氣口  
訣日月湖所秘師翁口傳所謂師翁者支山人也山

新校本九集目

周氏  
杏庭

周氏  
杏庭

文景

人傳月湖之秘於先生則知其西遊猶得及月湖之  
晚年也醫考云山人入明留居十二年學東垣丹溪  
之術獲醫家方書歸夫本書句之李朱之法言則知  
所謂方書卽本書也賴山人所護送是以雖亡于彼  
而能存于我矣一溪先生能傳山人之學以其所將  
來故譯以國字者刊本既行雖有改竄要衍本書耳  
啓廸集屢引本書及他著作藥物概題隱名者亦取  
諸斯原夫山屠貴老等名起乎後唐唐慎微漏而不  
錄李時珍亦不見本書故本草綱目不收及焉世之

講丹溪學者知**心法纂要**已孰知固別有斯書也方  
廣知之必將掇拾於附餘中惜乎不使彼得見焉田  
澤仲舒繼先人之志將廣其傳謀之於我於是就白  
雲書庫本而比較焉日家先之學淵源於一溪先生  
則斯書固師業專門之典也况先人之志校而廣之  
是亦拙政之一事也文政改元六月己丑玄虛散人  
奈須恒德序

類證辨異全九集序



夫人之生實陰陽之氣所聚耳陽化氣陰成形也若不能調和陰陽之氣則隨其盈虧結以成病病有新久淺深虛實榮悴之別人有男女壯衰鄉壤苦樂之異况復君主耗神黔首勞形何可一概而論之乎然錢塘月湖爲當時之良醫其聲聞海內苞綜諸方研括煩省選此書予得而讀之可起死回生之術粲然而具備矣辨病之根源察邪之所在分藥之緩急著治之次序誠開滌後學之耳目者可謂盡醫方之

妙極極生靈之性命然其方至簡至易而雖偏州下  
邑亦可行之累年編成過予求序按內經言上工者  
十全九中工者十全八下工者十全六今庶學者心  
諳其說手行厥法則必十可全九故名曰類證辨異  
全九集梓行以廣其傳余不能已以誌歲月云

景泰三壬申年良月十三日 維陽陳叔舒謹識

類證辨異全九集目錄

卷之一上

中風	傷寒	痢門	泄瀉	瘧疾	咳嗽	內傷
虛損	積聚	消渴	水腫	脚氣	飜胃	脹滿
心痛	頭痛	黃疸	霍亂	腹痛	淋病	疝氣
喘急	痰飲	秘結	諸熱	痺門	痿證	下血
腰痛	溺濁	遺尿	吐酸	痔漏		
汗門	噦証	衄血	吐血	眩暈	癰癩	勞瘵

卷之一下

蠱毒 健忘 癰瘡 陰癩 脫肛 眼目 耳門  
 鼻門 唇舌 牙齒 咽喉 腋臭 諸蟲 婦人  
 小兒

卷之二

日用藥味三十七種 追加四十種

專可知之事<sup>九</sup> 調合之樞機<sup>六</sup> 調合之指南<sup>五</sup>

卷之三

脉畧要之初<sup>十</sup> 脉畧要之中<sup>八</sup> 脉畧要之與<sup>七</sup>

事上並察証<sup>九</sup> 可謹禁戒<sup>二</sup> 鍼灸之樞機<sup>三</sup>

附切紙一章

卷之四上

風部<sup>七</sup> 傷寒<sup>六</sup> 痢泄<sup>六</sup> 瘡部<sup>六</sup> 咳嗽<sup>七</sup>

內傷<sup>二</sup> 虛損<sup>九</sup> 積聚<sup>三</sup> 消渴<sup>八</sup> 水腫<sup>四</sup>

脚氣<sup>四</sup> 飜胃<sup>七</sup> 脹滿<sup>四</sup> 心痛<sup>八</sup> 頭痛<sup>八</sup>

黃疸<sup>七</sup> 霍亂<sup>九</sup> 腹痛<sup>二</sup> 淋病<sup>十</sup> 疝氣<sup>三</sup>

喘急<sup>四</sup> 痰飲<sup>八</sup> 秘結<sup>三</sup> 諸熱<sup>四</sup> 痺部<sup>四</sup>

痿部<sup>二</sup> 下血<sup>七</sup> 腰痛<sup>四</sup> 溺濁<sup>六</sup> 遺尿<sup>三</sup>

吐酸<sup>一</sup> 痔漏<sup>六</sup>

卷之四下

汗部五 噦部五 衄血四 吐血五 眩暈三

癩癩二 勞瘵十 蠱毒五 健忘五 癰瘡二十

陰癩二 脫肛五 眼目二十 耳部五 鼻部五

唇舌四十 牙齒七 咽喉四 腋臭二 諸蟲四

婦人 調經三 崩血四 帶下三 寡瘡二

癥瘕二 陰腫一 陰痛痒三 陰脫二 陰瘡二

嫁痛二 惡阻二 胎動四 胎上一一 傷胎一

妊心痛一 斷產一 子煩二 熱病胎死一

妊腫一 滑胎二 生氣方一 產難三 胎衣四

血暈二 產後中風二 惡露不絕二 惡露不下一

產後腹痛一 產後腫脹二 產後痢瀉四 乳汁一

小兒 疳部九 虻虫五 夜啼三 吐瀉五

痢部二 臍瘡一 顏開一 疹痘二十 兒雜証九

有名無藥味六十 預丸二十 拾遺三十 溺水一

凍死一 魘一 骨鯁四 折傷六 竹木刺二

自縊二 蛇傷四 馬嚼一 犬咬二 湯火二

漆瘡三 癩風二 瘰氣一 癰部二 疥癬二

類證辨異全九集目錄終

類證辨異全九集目錄終

類證辨異全九集卷之一上

錢塘月湖編繹

出羽 田澤仲舒 校

中風門

岐伯中風有四証 一偏枯半身不遂 二風痲於身無痛四肢不收 三風懿奄忽不知人 四風痺諸痺類風形

醫學發明經臟府之三証 口眼喎斜則知風中血脉 四肢關節癱則知風中六府 滯九竅舌強失音知風中五藏



先調氣說 因七情勞役飲食真氣虛榮衛怯故邪風乘虛而入治之先調氣而後驅散邪氣也

攣痠燥之微甚 諸筋攣易愈燥証之微也 諸筋痠難復燥証之甚也

汗吐下之論 諸風掉眩皆屬肝木吐之令其條達故經曰木鬱達之 汗之風隨汗出 下之推陳

致新 失音悶亂口眼喎斜以三聖散吐之既牙關緊急灌鼻內吐出涎口自開也

汗吐下之戒 風在表時以苦寒之劑鎮墜之藥不

可瀉之 小便澀而自汗則不可用通尿之劑所謂自汗而津液外亡榮衛內竭故戒通小便熱退汗止而小便自通也 若風入於胃必下之此時復不用表劑也雖見痰涎壅盛之証虛則吐劑深戒之

半身不遂之辨 在左屬瘀血死血 在右屬痰有熱氣虛 治右以二陳湯四君子湯之類氣藥

治左以四物湯桃仁紅花之類血藥 中風氣中之別 中風多痰涎 氣中口中無痰

卒中治與不治辨 中風卒倒不知人急以皂角末  
散鼻內吹之就提頭項髮立甦有嚏者可治無嚏  
者不治

脈經云中風不仁痿躄其脉虛者生緊急疾者死

中風口噤遲浮愈實大數死

可治証 眼開 口閉 手足不開 涎不作聲

不可治証 髮直 吐沫 搦頭 上竄 直視

口開 手撒 眼合 遺尿 不知人 面赤如

粧 頭面青黑 喉鋸 汗綴如珠

### 傷寒門

有表裏六經之變發表攻裏之異但傳足經不傳手  
經

仲景曰無奇經則無傷寒奇經皆附足六經不附手

經傷足經者有奇經故也 一 二 日大陽經膀胱

尺寸浮發熱惡寒頭痛腰脊強 二 三 日陽明經

胃府尺寸長身熱日痛鼻乾不得臥 三 四 日少

陽經膽府尺寸弦胸脇痛蠶口苦舌乾往來寒熱

嘔 四 五 日太陰經脾臟尺寸沉細腹滿咽乾微

温自利不渴腹痛 五六日少陰經腎藏尺寸沉  
 口燥舌乾惡寒 六七日厥陰經肝臟尺寸微緩  
 煩滿囊縮右是六經傳變之次第也 若七八日  
 不解復再傳

兩感之論 常病日傳一經至六日傳足當愈兩感  
 日傳二經 一日太陽少陰頭痛煩滿口乾渴  
 二日陽明大陰渾身熱妄言不食煩滿 三日少  
 陽厥陰聾水漿不入渾身厥冷囊縮 右是三日  
 而傳足六日再傳則不救矣

李子建十勸 一傷寒頭痛身熱便是陽証不可服  
 熱藥 二傷寒必須直攻毒氣不可補益 三傷  
 寒不思飲食不可服温脾胃藥 四傷寒腹痛亦  
 有熱証不可輕服温暖藥 五傷寒自利當看陰  
 陽証不可例服補藥煖藥止瀉藥 六傷寒胸脇  
 痛及腹脹滿不可妄用艾灸 七傷寒手足厥冷  
 當看陰陽不可例作陰証 八傷寒病已在裏即  
 不可用藥發汗 九傷寒飲水為欲愈不可令病  
 人恣飲過度 十傷寒初愈不可過飽及勞動

藥宜在汗字下

行房及食諸骨汁并飲酒

察表裏証 發熱惡寒身體痛脉浮者是表証也

不惡寒反惡熱汗多脉弦沉者是裏証也

似傷寒四証 痰証增寒壯熱胸滿似傷寒但頭不

疼項不强為異耳寸口脉浮 食積脾胃伏熱因

食不消發熱似傷寒身不痛人迎脉平和也經曰

緊盛傷於寒氣 虛煩不頭痛不身痛但煩熱者

是也脉不緊類不可汗不可下 脚氣頭疼身熱

大便秘肢節痛似傷寒嘔吐而脚底或屈弱惡聞

食氣行起忽倒

狐或之證 因腹中熱飲食少腸胃空虫行求食蝕

人五藏及下部其証惡食面目乍赤白乍黑舌上

白唇黑有瘡四肢沉重忽々眠 虫食其喉為或

其聲嘎 虫食下部為狐其咽乾 甚者虫食其

藏而死 上唇有瘡虫食藏也 下唇有瘡虫食

肛也

傷寒咳嗽陰陽之辨 太陽咳發熱嘔噦而咳少

陽咳寒熱往來胃滿而咳少 少陰咳四肢厥冷腹

意

痛溏泄四肢沉重而咳真武

傷寒噦寒熱之別 脉微細噦者胃中有寒是寒噦傷寒

也吳朱史湯四逆理中湯火熱奔急上行肺不得納故噦脉浮洪也是

熱噦也痛腹竹茹湯竹葉石膏湯大便不通者小承氣調胃承氣之類

傷寒喘証吉凶之斷 太陽証無汗而喘發表麻黃汗

後潮熱不惡寒腹滿大便實而喘陽明也宜下承氣

汗出髮潤喘不休者是肺絕不可治依卷四逆

傷寒下利寒熱之辨 脇熱而利臍下必熱用黃芩

渴而自利少陰也用知母白頭翁湯自利清水心下痛

協

口中燥宜下大承氣湯太柴胡 脇寒而利臍下必寒用理

中湯 自利而不渴大陰也理中丸 少陰十餘

日下利不止四肢厥冷無熱証用四順丸四逆湯

不宜汗之証 咽中閉塞 咽喉乾燥 衄血 淋

澁 脉遲弱 婦人經水適下 濕溫 動氣左

右上下俱不汗 瘡家 風溫灼熱

不宜下之証 脉虛細 嘔吐 惡寒 大便堅而

小便清不在裏也 脉浮 咽中閉塞 結胸脉

浮大 動氣左右上下俱不下 衄血 淋澁

厥逆

食復勞復并遺証之別 病愈後勞動再病日勞復

病愈後食肉再病日食復 熱病愈多食而有

所遺日遺 岐伯曰食肉則復多食則遺 熱病

脉躁盛不得汗者死日陽極 已得汗而脉躁盛

者死

傷寒不治証 赤斑五死一生 黑斑十死一生

陽証見陰脉 陰陽毒過六七日者 發溫病汗

則痊 熱而痊者死 兩感傷寒 咳逆不止

結胸而舌上白胎 舌卷囊縮 脉代者 吐利

煩躁肢冷者 結胸而煩躁者 遺尿 厥而下

利當不能食反能食者名之曰除中 脉陰陽俱

虛熱不止者 七八日以上大發熱者 爪甲蒼

循衣摸床脉弦生脉濇死 喘不止 冷汗發

黃 唇吻反青 環口鰲黑 面黑 直視搖頭

陽毒証 陽毒已深脉洪大內外結熱舌卷焦黑鼻

中如烟煤 傷寒一二日便成陽毒或服藥吐下

後變成陽毒身重腰背痛煩悶不安狂言 走或

見鬼或吐血下利赤黃脉浮大而數面赤斑如錦  
咽痛五日可治至六七日不可治甚者踰垣上屋  
也

陰毒証 陰毒深疾勢困重脉細緊數一息八至已  
上 傷寒一二日便結成陰毒或服藥六七日以  
上變成陰毒身重背強腹中絞痛咽喉不利心下  
堅短氣不得息躁渴虛汗嘔逆下利身如被杖唇  
蒼面黑四肢厥冷矣五日可治六七日不可治也  
服藥中病即停後服也如操舟矣 發汗吐下温針

後病不解此爲壞病又曰何逆也 右治傷寒辨  
異之一隅也其詳在仲景百問中

痢門

痢有可下不可下可温不可温可止不可止痛不痛  
之不同 凡先通澁止痛去宿食調氣逐邪而後  
病勢緩而漸温之

宜下之証 痢脉滑數有宿食下之 痢不欲食有  
宿食下之 痢腹滿痛爲寒實下之 下利腹堅  
下之 後重亦下之 下利譫言有燥屎下之

宜溫之証 痢脈浮大為虛強下之故也脈浮散而  
腸鳴溫之 痢脈遲緊痛未欲止溫之 下利大  
孔痛脈虛止之 鶩溏為利溫之  
隨証而逐之 身重則除濕 身冷自汗溫之 膿  
血粘稠以重劑竭之 脈弦則去風 腹痛則和  
之 尿澀利之 傷寒冷飲食脹膜殮泄宜溫劑  
以消之 傷溫熱之物成膿血者宜苦寒劑以疎  
之 膿血粘稠至廁而不能便脈洪大而有力者  
下之寒之

疫毒痢 一方一家上下傳染長幼相似而痢疾是  
疫痢也 先察虛實寒熱用敗毒散加人參甘草  
陳皮隨証用之 宜以葛根湯發汗

禁口痢 痢不納飲食者謂之禁口 下痢而能食知  
胃未病也 若中焦受濕熱閉塞胃口而成禁口  
之証宜除胃中邪熱 瓜蒂散 誤服利劑藥毒犯胃而成  
禁口証者有之  
赤白黃之辨 其熱為赤熱屬心火故也 其濕為  
黃 濕屬脾土故也 燥鬱為白燥屬肺金故也



一梳之論

赤白心肺氣血之別 白屬肺金此氣受病也乃從  
 大腸下 赤屬心火此血受病也乃自小腸下  
 赤白相雜血氣俱病也 世俗說以赤為熱以白  
 為寒赤白相雜為寒熱相擊是甚誤也  
 初病久病之辨壯實衰老之異 初得病時元氣未  
 禁虛必推利之 稍久氣虛則不可下 壯實初病  
 宜下 虛弱衰老久病宜升之  
 痢厥冷無脈灸之灸而不溫脈不還反微喘者死  
 痢不治證 一丹溪曰下如塵腐色者死 下純血者

死 下如屋漏水者死 下痢如魚腦髓者半死  
 半生 痢脈之吉凶 微小者生 浮洪難治 雖脈甚小  
 手足寒死 雖脈甚大手足溫生 痢白脈沉生  
 小浮死 脈絕而四肢寒者死 沉小留連或微者  
 易治 洪大數者難治 宜滑大 不宜弦急  
 內經曰身熱則死寒則生是大槩言之兼証詳之方  
 大可今豈無身熱而生寒而死者乎

泄瀉門

暴瀉非陽久瀉非陰

大便完穀下陰陽之辨 脉疾身多動者聲響亮暴

注下迫者此陽也熱也 脉沉細而身不動目暗

不了之飲食不下此陰也冷也

小便清濁寒熱之別 小便清白不澀為寒 赤澀

者為熱

穀消化為熱之說 凡穀消化不問色及他証便為

熱也寒泄而穀消化者未之有也

先消積滯而後斷下之說 泄瀉一証直消積滯然

後用斷下之藥今人往往便固止之多成痢者治

先理中焦次分利水谷治中不效然後斷下

五泄隨証治之 胃泄飲食不化色黃 脾泄腹脹

痛泄食嘔逆 大腸泄食已窘迫大便白腸鳴切

痛 小腸泄洩而便膿血小腹痛 大瘕泄裏急

後重數至閤而不便莖中痛

傷食泄 飢而後傷飽胃不能消而脹滿所下酸臭

此証當疎利消導

脾腎瀉 日間上半夜無事近五更其瀉復起此病

在腎俗呼為脾腎瀉五味子茴香之類治之

不治之証 泄瀉備五虛者死 脉浮大數者死

洞泄食不化不得留下膿血脉微小者生緊急者

死

瘧門

寒瘧溫瘧瘧瘧之三說 先寒後熱曰寒瘧 先熱

後寒曰溫瘧 但熱而不寒曰瘧瘧

瘧脉病源之異隨脉証別治 瘧脉自弦也 弦數

者多熱是風發也宜柴胡之類 弦遲者多寒溫

之柴胡弦緊者宜發汗李時珍弦小緊者宜下之隋症浮大

者宜吐之蜀漆散

依汗有無治之說 丹溪曰無汗者要有汗散邪為

主有汗者要無汗正氣為主 又云熱多寒少目

痛多汗脉大大柴胡之類下之

內經五藏之瘧 怒傷肝氣鬱所致曰肝瘧色蒼小

腹滿尿澀 喜傷心心氣耗散所致曰心瘧煩心

欲水 思傷脾氣鬱澀結所致曰脾瘧不食嘔不

樂汗出 憂傷肺肺氣凝痰所致曰肺瘧心寒執

善驚 失志傷腎所致名曰腎瘡肢冷閉戶獨處  
脊痛

疫鬼老之三瘡 一歲之間長幼相似謂之疫瘡

夢寐不祥多生恐怖謂之鬼瘡 數年不愈結為

癥癖在腹脇謂之老瘡

瘡脉生死之辨 瘡脉自弦也 微則為虛 代散

則死

十二時瘡鬼之別 寅時發獄死鬼所為 卯時發

鞭死鬼所為 辰時發墮木鬼所為 巳時發燒

死鬼所為 午時發餓死鬼所為 未時發溺死

鬼所為 申時發自刺死鬼所為 酉時發奴婢

四死鬼所為 戌時發自絞死鬼所為 亥時發盜

死鬼所為 子時發寡婦死鬼所為 丑時發斬

死鬼所為也

凡治瘡截痰清熱補虛調脾胃溫寒正氣血則無不

愈矣

咳嗽門

無痰而有聲謂之咳肺氣傷而不清也 無聲而有

劉河間說

痰謂之嗽脾濕動而為痰也

風寒燥熱 風乘肺日夜無度汗出頭痛涎痰不利

寒乘肺因形寒飲冷冬月坐臥濕地或胃冷嗽

急而喘 燥乘肺氣壅不利百節內痛頭面汗出

寒熱往來皮膚乾燥細瘡燥痒大便秘 熱乘肺

急喘嗽面赤潮熱肢冷乳子亦有之

四時咳嗽之大槩 春作是春升之氣 夏是火氣

炎上最重 秋是濕熱傷肺 冬是風寒外來

以藥發散之後用半夏逐痰必不再來

過房咳 肺虛甚嗽者此好色腎虛有之

以嗽辰知病源 上半日多嗽屬胃火石膏之類降

胃火 午後嗽屬陰虛四物知母黃柏降火 黃

昏嗽火氣浮肺不可用涼藥五味子斂之 五更

嗽屬胃食積此時火流於肺石膏之類降肺火

肺虛實之辨 嗽而肺氣有餘瀉之桑白皮半夏桂

苓 肺虛人參阿膠之類 肺燥當潤之 肺熱

知母之類 肺痿專養脾養血清金

半夏不用之証 雖有痰口燥咽乾不用半夏南星

用瓜萸貝母 水飲不用瓜萸恐泥膈不快用半  
夏

咳嗽唾血寒熱別治 唾血而熱加生地黃 唾血

而寒加鐘乳

咳嗽雜証之辨 疲極咳黃著 脾損後血藕節

咳嘔腹滿不食白朮 咳而尿數益智 咳而面

浮氣逆沉香橘皮

咳嗽生死之脉証 脉浮直者生 浮軟者生 脉

小沉伏匿者死 羸瘦脉堅大者死 脫形發熱

脉小緊急者死 肌瘦下脫形熱不去咳而嘔腹

脹且泄其脉弦急者死

內傷門

人迎脉大於氣口外傷 氣口脉大於人迎內傷

明外感內傷療治之別 凡外傷六淫皆有餘之病

也當瀉不當補 飲食失節勞役所傷中氣不足

當補不當瀉然俗醫認作外感風寒有餘容邪之

病重瀉其表使榮衛氣外絕其死只在旬日之間

手心手背之別 內傷勞役飲食不節之病手心熱

手背不熱 外傷風寒則手背熱手心不熱

外感內傷鼻口之異 飲食勞役所傷外証在口必

失穀味腹中不和惡食不欲言強答怯弱口沫吐

唾即陰証也 外傷風寒其証在鼻鼻氣不利声

重濁不清其言壅盛有力而口中必和傷寒面赤

鼻塞乾傷風鼻涕

內外頭痛之辨 內傷頭痛時作時止 外傷頭痛

常之有之

形氣之別 內傷脾胃乃傷其氣 外感風寒乃傷

其形

宿食內傷甚重則用吐下又不可過之 瓜蒂散吐

畏之 備急圓下之 右此類之攻藥以平為期蓋

脾已傷又以藥傷使營運氣減則食愈難消

酒傷二治法 若過飲傷之止當發散汗出則愈此

第一之治也 其次莫如利小便 右二治分上

下消其濕也

虛損門

五損 一損皮毛皮聚而毛落益其氣 二損血脉

血脉虚少不能榮於五臟六府調其榮衛 三損  
 肌肉肌肉消瘦飲食不能為肌膚調飲食寒温  
 四損於筋筋緩不能自收持緩其中 五損於骨  
 骨痿不能起於床益其精 病機機要曰自上而  
 下過于胃則不可治自下而上過于脾則不可治  
 也  
 男精女經之斷絕 男子六十四而精絕 女子四  
 十九而經斷 限限也 不可醫之 凡諸婦也  
 精氣血之不足 精不足則氣失資化 氣不足則

血失所營 血不足則氣無所附

形氣病氣有餘不足之辨 病勢潮作時病氣增加  
 者是邪氣勝也急當瀉之 若潮作時精神困弱  
 語言無力及懶言者是真氣不足急當補之 若  
 病人形氣不足病來潮作時病氣亦不足此乃陰  
 陽俱不足宜甘藥補之

形氣之別 氣謂口鼻中喘息也 形謂皮肉筋骨  
 血脉也 形勝者為有餘 消瘦者為不足 勞  
 後而口鼻氣如故為氣有餘 若喘息氣促氣短



或不足以息爲不足

補瀉欲平之論 經曰虛則補其母實則瀉其子者此欲權衡之得其平也又焉在壯火煉石硫薑烏附然後爲補哉

五藏五補之藥味丹溪之例 肺氣不足天門冬麥門冬五味子 心氣不足人參茯神菖蒲 脾氣不足白朮白芍藥益智 肝氣不足天麻川芎 腎氣不足熟地黃遠志牡丹 髓竭不足生地黃 當歸 神昏不足辰砂茯神

諸補之劑加血藥之論 諸補命門藥須入血藥則

能補精陽生長故也陽藥若多則散火

戒無病好補之過 夫藥攻邪之物無病而可服哉

聖劑經曰彼修真者弊於補養輕餌金石陽劑剛勝病起則天癸竭而榮涸陰劑柔勝病生則真火微而衛散一味偏勝一藏偏傷安得不病 孫真人言藥勢有所偏助令人藏氣不平春夏奉以生養之道秋冬奉以收藏之理飲食有節起居有常少思寡欲精神內守右不藥之藥也

血氣虛補之辨。潔古之例。氣虛氣弱者。陳皮黃耆

人參。血虛者。生地黃當歸身。若氣實氣結者。

青皮厚朴。若血實瘀積者。當歸稍蘓木紅花。

五虛補母之例。東垣之例。肝虛補母腎熟地黃黃

柏。心虛補母肝生薑。脾虛補母心炒鹽。肺

虛補母脾甘草大棗。腎虛補母肺五味子。

俗說有六補之法。平補人參黃耆之類。峻補附

子硫黃之類。溫補豆蔻桂之類。寒補天門冬

五加皮之類。筋力補巴戟肉蓯蓉之類。房補

石燕陽起石辰砂之類。

虛損脉例。濡緩微弱細皆虛家之脉也。內經曰。

至而不至此謂虛也。脉來細而微者血氣俱虛。

要畧曰。平人脉大為勞。內外俱虛冷汗如珠。

嘔煩厥冷體不安必死矣。內經曰。脉虛氣虛尺

又虛者行步愜然。右若是者滑生瀆死。

水火二補之例。左腎屬水腎虛則水耗必補腎水。

生地黃黃柏之類。右命門屬火命門虛則相火

減必補相火從蓉菟絲之類

血氣二補之分別 血虛者必補血地黃當歸之類

也若血虛証用補氣之藥則死 氣虛者必補氣

人參黃耆之類也若氣虛証用補血之劑則誤也

右虛虛實實損不足益有餘之謂也

積聚諸塊門

痞塊在中為痰飲 在右為食積 而在左為血塊

五積之名 肝積曰肥氣 肺積名息贍 心積曰

伏梁 脾積曰痞氣 腎積曰奔豚

諸積之異味丹溪之例 木香檳榔去氣積 神麩

麥芽去酒積 蜇虫水蛭去血積 礞石巴豆去

食積 牽牛甘遂去水積 雄黃臙粉去涎積

硃砂水銀去肉積

養正則積自除 潔古曰養正積自除譬如蒲座皆

君子縱有一小人自無容地而出實其真氣強胃

氣則積自消矣 內經曰大積大聚衰其大半而

止 滿實中有積氣大毒之劑尚不可過 疝虛中有

積者乎

皮裏膜外之積 須用補氣香附子開之兼三陳湯  
先須斷厚味

五積之証 心積起臍下橫架胸膈間腹熱面赤心  
煩咽乾食少羸瘦或吐血 脾積見胃脘面黃飢  
則減飽則見腹常滿足腫兼嘔泄四肢不收肉如  
削 肺積在右脇喘急面白背痛目閉膚寒皮中  
時痛如虫行 肝積在左脇面青兩脇痛引小腹  
腎積在小腹而湊心下上下無時面黑飢則見  
飽減腰痛骨冷眼昏口乾

脉以辨所在 脉經曰脉來細而附骨者積也寸  
口積在胸中 微出寸口積在喉中 關上積在  
臍傍 上關上積在心中 微下關積在小腹  
尺中積在氣街 脉出在右積在右 脉出在左  
積在左 脉兩出積在中央  
積脉吉凶 牢緊順 虛弱死

消渴門

內經曰二陽結謂之消 手陽明大腸主津病消則  
目黃口乾是津不足也 足陽明胃主血熱則消

穀善飢血中伏火乃血不足也。右此因數食甘  
羨也。治此証不可服膏粱石藥芳草其氣慄悍  
能助燥熱也。

消渴三焦之辨。上消肺也多飲水而食少大便如  
常尿清利知其消在上焦謂之消渴。中消胃也  
渴而飲食多溺赤黃熱能消穀知其消在中焦謂  
之消中。下消腎也初為膏淋後面鰲黑形瘦耳  
焦溺濁而有脂液知其消在下焦治養血分清濁  
謂之腎消。右三焦之疾濕寒之陰氣極衰燥熱

之陽氣太甚是因嗜鹹物食炙燔過甘美服金石  
實熱結下焦腸胃乾涸而引飲也。

治消渴大體。補腎水陰寒之虛。瀉二火陽熱之  
實。除腸胃燥熱之甚。濟身中津液之衰。津  
液生而不枯。氣血利而不溢。

證世俗誤之說。世論消渴者不知其意謂因腎水  
虛不制心火上實熱煩渴下虛冷而小便數更服  
寒藥元氣轉虛腎水轉衰則心火尤難治但以濕  
補腎腎氣得實而勝退心火則渴止溺如常而病

愈矣。右如此未明陰陽虛實之道。夫腎水屬陰，而本寒，虛則為熱，心火屬陽，而本熱，虛則為寒。且夫寒物屬陰，能養水而瀉心，熱物屬陽，能養火而耗水。

丹溪曰：消渴養肺降火生血為主。三消皆禁用半夏、天花粉消渴神藥也。

東垣用藥之例：膈消白虎加人參之類，中消三黃丸之類，下消六味地黃丸之類。

消渴脉之吉凶：叔和曰：數大者活，虛小者危。

水腫門

論水腫之標本：內經曰：其本在腎，其末在肺，皆積水也。故水病下為跗腫，大腹上為喘呼，不得臥也。知肺為喘呼，腎為水腫。

水腫生成之辨：有水氣者，微先見於目下也。水始生也，頸脉動，時咳，陰股間寒，脛腫腹大，水已成矣。

上下利汗之異：東垣曰：腰已上腫，宜發汗；腰已下腫，宜利小便。

表裏汗下之辨：丹溪曰：身有熱，水在表可汗；人身

無熱水在裏可下雖可下權輕重不可過用大戟  
芫花之類 右汗下之間利溺順氣和脾俱不可  
緩耳

肢腹前後之吉凶 丹溪曰先起於腹而後散四肢  
者可治先起於四肢而後歸於腹者不治 又曰  
男從脚下腫而上女從身上腫而下並皆不治或  
肉硬或手掌平並不治

察証而用藥劑 脾虛不制水則人參白朮補脾  
腹脹少用厚朴 氣不運加木香木通 氣陷下

風升麻柴胡提之 產後大補血氣為主佐以苓朮

熱水當清肺金麥門冬黃芩之類

水腫脉之善惡 浮洪大者生 沉細者死 水病

腹大如鼓脉實大者生虛者死

五不治之証 一唇黑傷肝 二缺盆平傷心 三

臍凸傷胃 四足下滿傷腎 五背平喘傷肺

陰陽二水之証 脉沉遲面青白不煩渴溺清而澁

少大便泄瀉謂之陰水 脉沉數面黃赤煩渴溺

赤澁大便秘謂之陽水 水氣節飲食絕生冷戒房

事否則愈而復作丹溪曰水氣復來而無以治之也

脚氣門

男由腎虛而生 婦人由血海虛而得之 男女用藥固無異

脚氣初証 先從脚起或緩弱疼痛行起忽倒而脛腫或膝枯細或心悸或小腹不仁或轉筋見食吐逆惡聞食氣

風寒濕熱之辨 浮而弦者起於風 遲而濇者起

於寒 濡而弱者起於濕 洪而數者起於熱

陳無擇曰自汗走疰為風 無汗攣急制痛為寒

腫滿重著為濕 煩渴熱頑為暑

脚氣之大禁 活人書曰凡脚氣服補劑及用湯藥洗者皆醫之大禁也

用疎下無過不及之說 楊大受曰脚氣是壅疾也皆當疎下然不可大過損脾胃 又曰營運之氣不能上行反下注為脚氣當疎下又不可不及不及則氣壅不得消散 右大抵如此詳虛實用之



若誤為他病治之入腹攻心必死

翻胃門 并嘔吐五噎

跌陽脉浮而濇 浮則為虛 濇則傷脾 脾傷則

不磨朝食暮吐暮食朝吐宿穀不化名曰翻胃

夫五噎五膈者由喜怒不常七情傷於脾胃鬱而生

痰痰與氣搏升而不降飲食不下蓋氣留於咽

者則成五噎結於胸膈者為五膈

吐證察三焦 上焦吐從氣脉浮洪食已暴吐渴飲

水大便燥結氣上衝胸發痛其治降氣和中

噎膈皆腹中有痰塊而可羨也假為喜怒七情胃氣所發者誤矣

上中下氣積寒相配者拘泥之說也不可從

焦吐從積食與氣相假為積其脉浮而伏其証先

痛而吐或先吐而痛其治去積 干薑湯 檳榔木香行其氣

正下焦吐從寒脉沉而遲朝食暮吐暮食朝吐溺

清大便秘而不通其治通閉塞温寒大便漸通而

愈 主方皆隨其腹症為法

治吐之大槩 化痰下氣順氣 胃中有熱膈上有

痰二陳湯山梔生薑之類久病嘔吐胃虛不納穀

生薑人參白朮香附子之類 宜審其腹症以處方

丹溪翻胃之四證 血虛反胃左手脉無力切忌香

燥之劑若服之必死宜薄滋味四物湯童便 氣

虛反胃右手脉無力四君子湯 有痰兼病必用

童便竹瀝生薑汁 有熱黃連山梔生薑汁

十膈名 冷膈風膈氣膈痰膈熱膈憂膈悲膈水膈

食膈喜膈

五種之噎 憂噎思噎勞噎食噎氣噎

五種之膈 憂膈悲膈寒膈熱膈氣膈

惡阻之辨霍亂脚氣之吐証 婦人懷妊而嘔吐者

名曰惡阻 因時霍亂吐者有之 有脚氣攻心

嘔吐者 右各從其類而治之

反胃之禁 不可峻用香燥之劑治之乖序如抱薪

救火若不守戒忌厚味房勞人及年高無血者皆

不能療

脉之逆順 浮緩者生 沉澹者死

脹滿門

諸脹之分別 白人腹脹是氣虛參朮厚朴陳皮

瘦人腹脹是熱也黃連白芍藥香附厚朴 有食

積而腹脹有熱木香檳榔丸 有食積而腹脹有

寒水香厚朴丁香縮砂神麩香附子 有畜血而  
腹脹抵當丸之類下死血

血氣二虛之異 朝寬暮急血虛 暮寬朝急氣虛  
終日急氣血俱虛

諸脹之治例 冬感寒胸中痞滿脉沉細為寒脹宜  
溫解寒邪 夏傷熱胸腹堅滿脉來虛弱為暑脹  
治宜清熱除濕 飢飽傷脾脾氣虛遲於尅化少  
有停滯而為脹脉浮滑宜消導停滯 若其不升  
降痞結胸中三焦相混二便不通卒脹滿脉沉伏

為三焦脹然亦虛皮膚澁之然而堅不痛而氣滿  
治升降氣溫補脾實內挾宿食邪實於內按之堅  
痛當疎氣滌實久病而後脹脾土已敗為危証治  
難取效

凡例 實者滌之 虛者補之 寒者熱之 熱者  
清之 結者散之 留者行之 在血分通其血

在氣分行其氣 積脹從積治 腳氣脹從腳  
氣 水脹從水腫 婦脹從血膨  
脉之逆順 浮大順 虛小逆

張之宜禁丹溪之遺論 宜養肺金以制木使脾無  
賊邪患 宜滋腎水以制火使肺得清化 却厚  
味斷妄想遠音樂

心痛門

新久之異治 心膈之痛須分新久 身受寒氣口  
得寒物而得病於初得之時當溫散或溫利之  
得病而稍久則成鬱之則蒸熱令久必生火右欲  
行溫散溫利寧無助火添病耶古方多以山梔子  
爲熱藥之向導則病易退正易復

九痛 一日虫痛 二日疰痛 三日風痛 四日

悸痛 五日食痛 六日飲痛 七日寒痛 八

日熱痛 九日來去痛

厥真二痛之辨 厥心痛者乃寒邪客於心包絡也

真心痛寒邪傷其手足青過主節甚則且發夕  
死夕發且死

察虫証 面上白斑唇紅能食屬虫証治以苦楝根  
之類

察虛證 以物拄按痛卽止者挾虛以二陳湯加炒

乾薑

禁忌 不可用參朮之類諸不可補氣矣 若病愈之後恣口味不改前非病復作時必咎醫之不才也

脉之藏否 沉細者生 浮大弦長者死

頭痛門

厥真二痛之異 嚴用和曰氣血俱虛風寒身濕之氣所侵傳於陽經伏留不去名曰厥頭痛 痛引腦巔陷至泥丸宮者名真頭痛非藥之能愈夕發

且死且發夕死

六經察証並治例 太陽頭痛惡風脉浮川芎獨活

少陽頭痛脉弦往來寒熱柴胡 陽明頭痛自

汗發熱惡寒脉浮緩長升麻葛根石膏白芷 大

陰頭痛必有痰體重腹痛脉沉緩木半夏 少陰

頭痛兩足寒氣逆為寒厥脉沉細麻黃細辛 厥

陰頭痛項痛或吐痰涎厥冷脉浮緩吳茱萸湯主

之

血氣二虛之別 血虛頭痛當歸川芎 氣虛頭痛

人參黃耆

肥瘦之辨 肥人頭痛是濕痰宜半夏蒼朮 瘦人

頭痛是熱宜酒製黃芩防風

頭痛之脉例 脉浮者風滑者痰皆易除 內經曰

寸口脉中手短者曰頭痛 頭痛脉短澹者死

偏頭痛之說 如頭半寒痛者先取手少陽陽明後

取足少陽陽明此偏頭痛也

疸門

五疸之因證治 黃汗陽明蓄熱喜自汗汗出因入

水中熱鬱故汗黃也其証體腫熱不渴汗染衣如

藥汁黃耆茵陳之類 黃疸者因暴熱用冷水洗

浴熱留胃中其証身面目皆黃尿如藥汁柴胡桂

苓茵陳枳實之類 穀疸飢發熱大食傷胃衝鬱

所致其証食則腹滿眩暈穀氣不消尿不通身體

盡黃柴胡枳實梔子大黃之類 酒疸由大醉當

風入水所致熱毒流于清氣道中則眼黃鼻癰柴

胡茵陳大黃黃連葛粉之類 女勞疸由大熱交

接竟入水水流濕入于脾因腎虛以所勝尅入致

腎氣上行故額黑身黃兼渴與腹脹者難治大麥石膏之類

疽証表裏之辨 一身盡痛者濕熱在表 不痛者

病在裏

汗下滲利和解之別 邪在表急汗之 在表之裏

滲利之 在半表半裏和解之 在裏急下之

黃色不變自利腹滿而喘不可除熱除熱必噦宜

小半夏湯必不拘茵陳也

傷寒發黃陰陽之辨 邪熱傳太陽先淋而黃其人

大暴狂內有血是畜血發黃也是陽黃也

五日服下藥大過虛脾胃亡津液渴引飲發黃是

陰黃也

五等皆屬濕熱之論 丹溪曰不必分其五等皆濕

熱而成譬如麴濕與熱搏氣不得透鬱而生黃

宜吐下之証 脉浮滑腹滿欲嘔吐者必先吐之

脉沉滑腹滿大便秘者必先下之

渴與不渴大體之說 大癰疽証渴者難治 不渴

者易治 脉洪大大便利而渴者死 脉微小

者下疑有脫文

便利而不渴者

疽之惡候 疽毒入腹喘滿者危 寸口無脉鼻氣

冷者死

察虛証不可通小便 口淡怔忡耳鳴脚軟微寒發

熱尿白濁此為虛証宜四君子湯八味丸之類也

不可過用涼藥強通小便恐腎水枯竭久而面黑

及有渴者死

霍亂門

大概之說 揮霍變亂起於倉卒多因夾食傷寒陰

陽乖隔上吐下利躁擾痛悶是其候也 偏陽則

多熱 偏陰則多寒 多熱半夏厚朴黃連湯類多寒附子理中附子粳米湯不吐不下心腹滿痛者備急紫四

乾濕二霍之異 濕霍亂死者少蓋所傷之物因吐

利而盡泄出則止故死者少 乾霍亂死者多蓋

上不得吐下不得利所傷之物壅閉正氣隔陰陽

故死者多

渴與不渴并寒熱之異治 霍亂熱多者五苓散之

類 寒多而不飲水者理中湯之類

脉之藏否 脉來浮洪者可治 微而遲氣少不語



者難治

轉筋 今暴吐下津液頓亡外感四氣內食甘膩攻  
閉諸脉枯削於筋宗筋失養必致攣縮甚則卵縮  
舌捲爲難治 男子以手挽其陰女子以手牽乳  
近兩邊□右是妙法也 大概轉筋屬血熱氣血  
失運營而爲攣縮急痛宜四物湯加酒芩紅花蒼  
朮

乾霍亂之治例 乾霍亂欲吐不吐欲利不利升降  
不通當以吐提其氣極是良法 乾霍亂形氣實  
者用吐藥得吐用下形氣虛者禍不旋踵也

腹痛門

腹痛有部分藏位有高下治之宜分之  
畜血溺澁之辨 少腹鞭滿而痛小便利者是蓄血  
也 小便不利者溺澁之痛也  
虛實之辨察 脉經曰腹滿按之不痛者爲虛 按  
之痛者爲實

腹痛因諸証 卒痛卒止者 痛甚不可按者 按  
之痛止者 按之無益者 喘動應手而痛者

脇肋與小腹相引痛者 腹痛引陰股者 卒腹  
痛死不知人少頃復生者 痛而嘔者 痛而泄  
者 痛而閉不通者 因疝痛者 因瀉痢痛者  
因積聚痛者 因腸癰痛者 因死血痛者  
因宿食痛者

氣証血証之二治 氣証用氣藥木香檳榔香附枳  
殼之類 血証用血藥桃仁紅花當歸川芎之類  
高下之辨 心腹痛者用溫散是鬱結不行阻氣不  
運故痛 在下者多屬食食能作痛宜溫散乾薑

木芎白芷香附之類 不可用峻利藥攻下蓋食  
得寒則凝熱則化宜兼用快氣行氣藥  
氣實之腹痛禁理中 丹溪曰諸痛不可木參耆蓋  
補氣氣旺不通而愈甚

惡寒惡熱之辨 腹痛須用芍藥 惡寒加桂 惡  
熱加黃蘗  
虛實之辨 腹痛以手重按者屬虛宜參朮薑桂  
腹痛以手不可按者屬實大黃硝下之  
治例 肥人腹痛氣虛兼濕宜參朮半夏 感寒腹

痛宜薑桂嘔丁香 傷暑腹痛宜玉龍丸之類

飲食過傷腹痛宜木香檳榔丸 打撲傷腹痛瘀

血也宜桃仁蘓木紅花當歸童便

脈之藏否 心腹痛不得息脈細小遲者生堅大疾

者死 腹痛而反脈大而長死

淋門 并小便不通

五淋 氣淋小便澀常有餘瀝 石淋莖中痛溺不

得卒出膀胱蓄熱也 膏淋弱似膏出 勞淋勞

倦即發痛引氣衝 血淋過熱即發甚則溺血

上焦下焦氣分血分之辨 病居上焦在氣分而必

渴 病居下焦在血分而不渴

小腸有氣有血之分別 凡小腸有氣則小便脹

小腸有血則小便澀

血淋尿血之異 小腸有熱則痛痛者為血淋 不

痛者為尿血

治之宜禁丹溪之例 大抵治淋之法流行滯氣疎

利小便清解邪熱調平心火心清則小便自利心

平則血不妄行 又不可用補氣之劑氣得補而

愈張血得補而愈澁熱得補而愈盛水竇不行加之穀道閉遏未見其有能生者也

淋與閉之辨 小便滴瀝澁痛者謂之淋 小便急滿不通者謂之閉

看血色察冷熱 血淋之一証色鮮者心小腸實熱色瘀者腎膀胱虛冷

小便不通之治例 溺不通者用吐法以提其氣氣升則水自下蓋氣兼載其水也 氣虛參耆升麻先服後吐 血虛四物之類先服後吐 痰多二

陳之類先服後吐 有寒熱者當利之

胞轉之證 有胞系轉戾不通者臍下急痛小便不通 凡強忍小便或溺急疾走或飽食忍尿或飽食走馬忍溺或忍尿入房 右如此而水氣上逆氣迫於胞故屈戾而不得舒張也若甚胞落卽殞

疝門

大凡疝痛濕熱痰積流下作痛 大概因寒鬱而作痰飲食積并死血 專主肝經與腎經絕大不宜下

疝氣瘕血 大抵血因寒泣則爲瘕氣因寒聚則爲疝

疝之證因 寒疝囊冷結硬如石陰莖不舉或引丸而痛坐臥濕涉水感風冷得宜以溫劑下之  
水疝囊腫痛陰汗出囊腫如水晶或痒小腹按之作水聲飲水醉酒汗出當風濕聚囊宜以逐水之劑下之  
筋疝陰莖腫脹或潰膿或痛裏急筋縮莖中痛痛極痒白物如精隨溺而下得於房勞宜以降心火之劑下之  
血疝狀如黃瓜在少腹兩

傍橫骨兩端約中春溫夏燠之時過房勞而得之氣血滲入疝囊不去結爲腫膿少血多宜以和血之劑下之  
氣疝上連腎區下及囊因忿怒氣鬱脹忿怒罷則氣散者是也治以針出氣愈針有得失宜以散氣之劑下之  
狐疝狀如尾臥入小腹行立出小腹入囊狐晝出穴溺夜入穴不尿此疝出入上下類狐宜以逐氣流經之劑下之  
癰疝囊腫如升斗不痛痒感地氣卑濕所生宜以去濕之劑下之

又七痛 厥疝心痛足冷食已即吐 癥疝腹中氣積如臂 寒疝飲食因寒卒胸腹引痛 氣疝乍滿乍減而痛 盤疝腹中痛引臍傍 附疝腹痛連臍下有積聚 狼疝小腹與陰相引而痛 脉之藏否 牢強而急者生 虛弱者死

喘門

新久虛實之喘 久病氣虛而發喘人參五味子或阿膠類 新病氣實而發喘桑白皮亭廔之類 諸喘之治例 風寒傷必上氣急不得臥喉中有聲

或聲不出宜三拗湯神秘湯 痰喘蕪子降氣之類可也 虛喘脉微色青黑厥冷尿多五味子湯之類可也 上氣喘而躁者為肺脹欲作風水宜發汗則愈 氣實之人服黃耆過多而喘三拗湯而瀉氣

脉之逆順 喘証脉滑而手足温者生 脉濇而四肢冷者死 脉數者死

痰門

左右關脉大者膈上有痰宜吐之 病人短氣四肢

歷節痛脉沉者有留飲

四飲 痰飲素盛今瘦水走腸間漼々有声 水流

脇下咳唾引痛謂之懸飲 溢飲水流四肢當汗

出而不汗身重 支飲咳逆倚息短氣不得臥形

如腫 右謂之四飲

六證者前四飲加留飲伏飲 留飲背寒如手大短

氣而渴四支歷節疼脇痛引缺盆咳則痛甚伏

飲膈滿嘔吐喘咳發則寒熱腰痛淚出

先順氣之說 且氣道貴順順則津液通無痰患先順

氣而後隨証用汗下溫利則津液流通痰飲自下

從溺而出是因氣不順生痰故也

先逐痰之說 病人元有痰積其氣因痰結滯者豈

但理氣而痰能自行耶必先逐痰結則滯氣自行

痰為諸證 頭風 眩暈 口眼瞶動 齒頰痒痛

瘖稜耳輪俱痛痒 四肢腫硬似疼非疼 咽

不利吐之不出嚥之不下其痰如破絮桃膠或似

墨 心下冷如冰 渾身如臥芒刺 眼粘濕而

痒 喘咳 怔忡 臂痛難舉 已上皆痰之

所致也

病之新久痰之清濁 清白為寒黃濁為熱殊不知  
始則清白久則黃濁 嗽而易出者清而白咳而  
不能出者黃濁結

秘結門

風秘風痰結大腸秘而不通 氣秘因氣滯後重迫  
疼煩悶脹滿糞結 寒秘年高腸冷痰癖結滯糞  
秘 虛秘年老血少腸胃槁澁 熱秘大腸實熱  
氣壅不通心腹滿悶大便秘 濕秘腸胃受濕秘

澁

陰陽二結之辨治 陽結者散之 陰結者溫之  
秘結之治例 小便自利大便硬不可下必潤之  
有物而結當下之 實熱而秘必瀉之大黃枳實  
黃芩 血液虛少而秘必溫之桃仁陳皮杏仁  
風秘陳皮防風杏仁枳殼檳榔大黃 濕秘檳榔  
老人氣虛而秘者橘皮杏仁蘓子木瓜沉香檳  
榔 積滯而秘者青皮檳榔木香巴豆莪朮大黃  
婦產後因氣血虛秘者不可妄用疎下藥恐傷



元氣但調氣血潤燥滑澁散風則必自通也

諸熱門

陽盛則外熱 陽虛則外寒 陰虛則內熱 陰盛

則內寒。內外皆熱則喘而渴故欲冷飲也

氣血兩熱之異 晝熱夜靜是陽自旺於陽分 晝

靜夜熱躁是陽陷下陰中名熱入血室 晝夜同

熱躁重陽無陰也急瀉陽補陰

五藏之熱証 肺熱皮毛熱喘咳寒熱 心熱血脉

熱煩心心痛掌熱 脾熱肌肉熱夜尤甚怠惰四

肢不收 肝熱筋熱寅卯時甚脉弦多怒四肢熱

筋痿 腎熱骨髓熱骨中如虫蝕不能起於床

十二經之熱証 面熱足陽明 口中熱如膠足少

陰 口熱舌乾足少陰 耳前熱手大陽 掌中

熱手厥陰少陰大陰 足下熱痛足少陰 身熱

膚痛手少陰 洒淅寒熱手大陰 一身熱狂妄

聞見妄語足陽明 中熱而喘足少陰 身前熱

足陽明 肩背足小指外廉脛踝後熱足大陽

肩上熱肩如拔手大陽

全九集 卷一 四十二

內外兩熱之治。苦者治藏，藏屬陰而居內。辛者治府，府者屬陽而居外。內熱者下之，外熱者發之。右養血益陰，其熱自消。

痺門

風勝者為行痺，寒勝者為痛痺，濕勝者為着痺，五痺。在骨則重而不舉，在脉則血凝而不流，在筋則屈而不伸，在肉則不仁，在皮則寒。逢寒急，逢熱緩。熱痺麻，羚羊角。冷痺桂心當歸。痛痺川芎芍藥。

有脫文

血痺杏仁當歸芍藥。痰痺半夏枳實。行痺防風葛根。着痺扶苓桑白皮。筋痺羚羊角獨活午膝薏苡。右審證煎服濕者也。金不盡限可。脉經曰：脉濇而緊，痺病也。

痿門

肺熱葉焦，五藏因受之，發為痿躄。心氣熱生脉痿，脛縱不任地。肝氣熱為筋痿，宗筋弛縱。脾氣熱生肉痿，痺而不仁。腎氣熱生骨痿，足不任身。論痿證之本，金體燥居上，主氣畏火者也。土性濕。

居中主肢畏木者也火性炎上若色欲無節則水失所養火少于畏而侮所勝肺得火邪而熱木性剛急肺受熱邪則金失所養木少于畏而侮所勝脾得木邪而傷右如此而肺熱則不營一身脾傷則四肢不能用而諸痿作

治痿之例 瀉火清金之清而水平水平則何有脾之傷乎 補水降火之降則金不虛金不虛則何有肺熱 痿証之所不足者陰也血也補陰滋血

則愈俗方悉補陽補氣之劑能免實實虛虛之患

下血門 鮮紅為熱 內蘊熱毒毒氣入腸胃或

察色 下血鮮紅為熱 內蘊熱毒毒氣入腸胃或飲酒過多及啖炙燻因之引血入大腸故下鮮紅之血也宜一味黃連丸 血色瘀者為寒 血逐氣走冷氣入客腸胃故下瘀血宜以理中湯之類溫散之

下血之治例 不可純用寒藥於寒藥中加辛味為

不佐。久不愈者，後兼升舉藥中，加酒浸炒涼劑。  
 有熱四物之類，加梔子仁升麻。屬虛者，宜溫散。  
 四物之類，干薑升麻加之。打撲惡血入腸胃，下  
 血濁如瘀，宜黑神散。糞前有血，名曰近血，宜石  
 榴皮。糞後有血，曰遠血，宜艾葉。  
 察證：風入腸胃，脉必浮。血在糞前糞後，入藏寒者，  
 脉沉微。下血無痛，積熱者，其脉洪數。絕下鮮血，  
 或兼痛，傷濕脉沉遲。下血如豆汁。

腰痛門 悉錄

水毒腰痛有之疾  
 豈可終腰痛乎

察証：寒濕腰痛見熱則減，見寒則增。宜五積散加  
 杜仲、吳茱萸。中濕腰痛如坐水中，宜滲濕湯。  
 未腎虛腰痛轉側不能，宜大建中湯加茴香。閃挫  
 腰痛宜通氣散。五積散加桃仁、牽牛。脉澹為瘀，  
 血宜補陰。凡加桃仁、牽牛，痰為痛，二陳湯。諸  
 痛皆屬火寒，藥不可峻，用溫散之藥。諸痛不  
 用參、葢補氣，氣旺則不通而痛甚。  
 脉例：尺脉沉，腰背痛。腰痛脉皆沉而弦也。沉  
 弦緊為寒，沉芤浮為風，沉弦細為虛，沉啟

實為閃挫

溺濁門

赤濁屬血宜白芍 白濁屬氣益智菖蒲之類

濁之治例 有熱滑石黃蘗之類 胃弱者用參以

柴胡升麻升胃之氣 肥人濁多痰也二陳湯去

其濕 其濕宜服麻黃正氣湯或麻黃湯

赤白之本 白濁者腎虛有寒過欲而得之 赤濁

者心虛有熱因思慮得之 破生水中宜寒熱

赤白之治 赤者當清心調氣 白者補下元使水

火升降

心脾腎之三濁 心濁心虛蘊熱尿赤澀濁門冬蓮

肉地黃午膝茯神遠志之類 脾濁思慮傷脾之

不攝精致白濁厚朴之類 腎濁色欲過度小便

頻數有白濁益智茴香韭子地黃白芍龍骨之類

論脾濁之本 思慮過度傷脾 生虛熱而腎受之

土邪侵水故尿濁夏則土燥而水濁冬則土堅而

水清

遺溺門

內經曰膀胱不利為癃不約為遺矣。又曰下焦蓄血虛勞內損則便溺自遺而不知。○下焦虛寒不能溫制水液則尿欲出而不禁。

治之大抵 內虛寒自汗者秘元丹韭子丸之類

內虛溫熱六味地黄丸八味圓之類 老人宜八

味丸但減澤瀉 龍骨地黃益智鹿茸辰砂之類

丸之食前以鹽湯下之 虛熱胸煩者黃芩地黃

白芍類鹿末煎之食後下之。○遺溺小腸膀胱陽

氣衰脫故也

吐酸門

吐酸屬熱脾胃受病痰飲宿食所為

治例 熱者寒之 脾者惡濕以苦燥之。○有痰者

清之散之。○有宿食者消之導之

痔門

牡痔肛邊露肉珠狀如鼠乳膿血出 牝痔肛邊生

瘡腫痛數日膿潰即散 脉痔腸口顯之發癩痛

痒出血淋瀝 腸痔腸內結核有血寒熱往來登

圍脫肛 血痔每遇大便清血隨下不止 酒痔

每遇飲酒發動瘡腫而流血

治例 大抵解熱調血順氣涼血去風消毒

痔與漏之辨 痔漏雖同初生肛邊成癰不破者曰

痔 破潰出膿血黃水淋瀝不止者曰漏

腸辟之逆順 便血身寒則可治 腸辟身熱則不

治 腸辟下白沫脉沉者生 腸辟下白沫脉浮

者死 下膿血脉滑大者生 下膿血脉懸絕則

死

類證辨異全九集卷之一上終

類證辨異全九集卷之一下

汗門

陰陽二虛之異 內經云陰虛陽必溼發熱而自汗

陽虛陰必乘發厥而自汗

自汗盜汗之別 自汗不因發散而自汗出也 盜

汗睡而汗出也因血虛也

治例 以黃耆黃連生地黃當歸之類滋之以制陽

熱靜而汗止 火氣上蒸胃中之濕亦能作汗涼

膈散主之 雜病盜汗心虛所致宜斂心氣益腎

水陰陽調和水火升降則其汗自止 別處無汗  
獨心孔一片有汗思慮多則汗亦多宜養心血名  
曰心汗

咳逆門

以噦為咳逆者誤也吃逆是噦也

內經曰金鬱之發咳逆 或急食乾物而氣塞皆能  
作咳逆咳逆者不順之義也皆氣不得下 以紙  
撚鼻嚏而止 詐寃盜賊因恐而止 鼻聞熱食  
香而止 右皆駭之而使氣下也

傷寒噦寒熱二証之異 仲景曰傷寒本虛攻其邪

必噦 又大汗大下虛極因得噦所以然胃中寒  
故也橘皮生薑半夏主之不愈灸乳下 又有陽  
証有潮熱時噦者柴胡黃芩橘皮竹筍主之 陰  
已虛陽火暴甚直衝上出于胃入于肺而作聲東  
垣用涼藥所以瀉熱降火也 陰氣先消陽火亦  
竭浮於胸中亦欲散也故不宜用寒而以溫養胃  
是陽生陰長之理也

吐利後寒熱 吐利後胃虛寒咳逆者吳茱萸湯 橘皮湯  
蒺藜活丁香柿  
蒂之類可也 吐利後胃熱咳逆者橘皮竹筍之



類可也。傷寒久病後，老人虛人，婦人產後，多有此証者，皆病深之候也。

咳逆之治例，須分寒熱而補之。因汗吐下誤服寒涼以溫補之，脾陰虛火逆上以平補之，按熱者以涼補之，若實者如傷寒失下，地道不通而咳逆者，當下之。痰飲停蓄心下，暴怒氣逆，痰厥等者，必形氣皆實，別無惡候，當隨邪之所在而涌之泄之利之清之。

鼻衄門

衄者出於肺，宜犀角升麻梔子黃芩地黃芍藥紫苑

涼血行血為主

外迎法，以井花水濕紙，項上貼之。左鼻衄以線

扎左手中指，右鼻衄扎右手中指，左右俱出

兩手俱扎，或炒黑蒲黃吹鼻，又吹龍骨末亦

可。

時氣之鼻衄不可便止之，如三升已上出而恐多者

斷，仲景曰衄者乃解。

吐血門

吐血陽盛陰虛故血不得下行因炎上之熱而上出  
脉必大而芤大者發熱芤者失血也 凡補陰抑  
火使復其位

痰之前後辨 先吐紅後吐痰嗽多陰虛火動痰不  
下四物湯爲主加痰藥火藥 先痰嗽後見紅多  
痰積熱降痰火爲急

雜證 嘔吐血出於胃實者犀角地黃湯主之 虛  
者小建中湯之類加黃連 痰涎帶血是胃中清  
血熱蒸而出重者梔子輕者藍實 舌上無故出

血不止槐花炒末乾摻之 吐血而渴者用葛根

凡血証上行唾血嘔血吐血皆逆也若變而下行爲  
惡痢者順也上行而爲逆其治難下行而爲順其  
治易故仲景曰畜血証下血者當自愈也若無病  
人忽然下痢其病進也今病血証上行而復下行  
惡痢者其邪欲去知吉也

衄血吐血之脉 脉大者難治 身熱亦難治 身  
凉脉靜者易治 脉訣曰鼻衄吐血沉細宜忽然  
浮大者卽危

眩暈門

諸眩暈皆屬於肝肝風上攻致眩暈外感四氣內結

七情氣鬱生涎一時眩暈

左右脉實之辨 左手脉數熱多脉澁有死血 右

手脉實有痰脉大是久病

治暈之例 火動其痰用二陳湯加黃芩羌活 傷

濕頭暈用腎着湯加芎 氣虛眩暈用木香木橘

半夏 血虛眩暈用當歸川芎桂 風証用川芎

細辛 寒証用乾薑 濕証用木芎

四氣之外証 風則有汗 寒則掣痛 暑則熱悶

濕則重滯 右四氣乘虛而眩暈也

七情之証 七情鬱而生痰動火隨氣上厥此七情

攻虛而眩暈也

氣虛之暈 色欲過度腎家不能納氣歸元使諸氣

逆奔而上此氣虛之暈也

血虛之暈 吐血崩漏肝家不能收攝榮氣使諸血

失道妄行此血虛之暈也

癲癇門

五癇三名愚甚

五癇 馬癇張口搖頭馬鳴應心 牛癇目正直視  
腹脹應肺 雞癇搖頭反折喜驚應胃 羊癇喜  
揚目吐舌應脾 猪癇喜吐沫應腎。痰涎壅塞  
迷悶孔竅發則頭旋顛倒手足搐搦口眼相引腦  
背強重叫吼吐沫食頃乃甦

治例 凡行痰為主黃連南星瓜蔓半夏 有熱者  
以涼劑清其心 有痰者必用吐法後宜安神丸  
之類加川芎柴胡平肝 癲與癇之異 癲者全歸於心神不守舍妄語如有

此所謂驚風也

所見癇者歸於五臟

小兒之三證癇 風癇中風經絡不通而為此病  
食癇乳母飲食不節嗜脯炙及辛辣而作之 驚  
癇在母胎而受驚及幼時受驚觸而為之

癆瘵門

瘵疾之証非止一端因氣體虛弱勞傷心腎而得之  
心以主血腎以主精之竭血燥則勞生  
瘵疾之本源 不保養真元不堅固根本則瘵証由  
是生蓋真元根本者氣血精液也 凡壯歲時氣

血充實精液全備之際不能保養性命耽嗜酒色  
 無有休息以耗真元敗精液則嘔血吐痰以致骨  
 蒸體熱腎虛精竭面白頰紅口乾白濁遺精盜汗  
 不食而火盛金衰重則半年死輕則一歲死如  
 此之証醫不窮其本或投大寒或投大熱妄施治  
 終不効大寒則愈虛其中大熱則愈竭其內  
 治例 知母五味甘草桔梗白芍藥當歸麥門冬地  
 黃天門冬地骨皮 右以此劑為本 血盛加蒲  
 黃苗根藕節薊根 痰盛加南星半夏橘紅茯苓

枳殼瓜蒌實 喘盛加桑白皮陳皮蘇子 熱盛  
 加山梔黃芩黃蘗 風盛加香附防風荆芥 寒  
 盛加人參桂五味 驚悸加遠志茯神 淋濁加  
 猪苓澤瀉 尿澁加木通石韋 遺精白淫加龍  
 骨牡蠣 燥熱加石膏青蒿 盜汗加牡蠣黃耆  
 麻黃根  
 五尸 蜚尸遁尸寒尸喪尸尸疰 右謂之五尸及  
 其傳變則成二十四種勞蒸或傳尸  
 癆瘵之一証病之淺者灸四花膏盲而然生者可謂

有命穴在灸圖

諸方所載此証有虫嚙心肺間當先去之 雄黃鬼

糞天靈蓋鼈甲木香輕粉大黃 右細末酒糊丸

朱砂為衣以童便五更服之隔一時必吐虫名神

靈圓

察傳尸之証 先燒安息香烟吸之不嗽非傳尸也

不可用神靈圓煙入口咳不止乃傳尸也宜用神

靈圓

附諸 毒

中蠱者心腹絞痛如有虫咬吐血下血而如爛肉

察蠱乎非蠱乎之法 令患人唾水中沉蠱也浮非

蠱也 又含大豆豆脹皮脫而不腥者蠱也豆不

脹豆皮不脫而腥者非蠱也 以犀角攪飲食白

沫竦起即有毒也無沫無毒也 以白礬令含不

覺澁而反甘是毒也味如常澁而不甘非中毒也

治例 服神仙解毒萬病圓 方預丸之 卷在之 服敗鼓皮燒

存性為末方寸七酒下

諸毒 漆毒蟹汁解之 半夏毒生薑汁解之或干

薑煎汁亦可。斑貓毒大豆汁藍汁解之。巴豆  
毒干薑黃連解之。附子毒防風煎汁解之。麴  
毒羅服子并根解之。水蛭毒田中乾土一塊小  
死魚三箇猪膏同粘調巴豆二粒去皮心入泥中  
研丸之如菘豆田中冷水吞下十粒須更大小蛭  
瀉下後四物湯類服之。狗肉毒杏仁解之。河  
豚毒五倍子白礬解之。自死禽獸毒故頭巾垢  
解之。非菌毒地漿解之。山梔子亦可。中健忘門

由憂思過度損心胞神舍不清遇事多忘病在心脾  
精神短少者多忘。有痰者亦忘。

治例。兼理心脾安神定意則愈矣。理脾白朮扶  
神甘草遠志之類。理心人參苜蒲木香黃耆之  
類。

癰瘡門

瘡証多不診其脉專攻治外夫瘡腫之生皆有陰陽  
不和血氣壅滯不賴診法何以知陰陽虛盛氣血  
聚散邪。

全宋集 卷一百一十一 瘡門

脉例 浮數應發熱其不發熱而反惡寒者瘡疽之謂也 洪大瘡疽之進也未成膿者宜下之膿潰後脉洪大則難治若自利者不可救也 數浮而數表熱也沉而數裏熱也仲景曰不時數脉見則生惡瘡也 托主血虛潰後得托者易治言脉病相應 潰潰後得之無妨 諸瘡之本源 內經曰膏粱之變足生大丁曰又曰榮氣不從逆於肉理生癰腫 又曰諸痛痒瘡皆屬心火 蓋人近火氣者微熱則痒熱甚則痛附

近則灼而為瘡皆火之用也 內經曰熱勝血則為癰也 癰者淺而大也癰者壅也 疽者深而惡也疽者阻也 瘡者節也 瘍在頭小瘡也 疹浮小癢疹也 結核熱甚則鬱結堅硬如果中核也必不潰破熱散則自消矣

五善 一動息自寧飲食知味 二便利調勻 三膿清腫消不臭 四神采精明語声清爽 五體氣和平

七惡 一煩躁時咳渴甚泄無度尿如淋 二膿血



大泄腫焮尤甚膿臭痛不可近 三喘羸短氣恍惚嗜臥 四目視不正烏睛小 白睛赤青戴眼 五肩背不便四肢沉重 六飲食不下嘔藥食不知味 七聲嘶色敗唇鼻青赤面目四肢浮腫 右五善見三愈七惡見四危

治例 身重脉緩除濕 身熱脉大逐熱 諸瘰眩暈動搖脉弦去風 氣滯氣滯乾燥亡液脉瀉瀉氣補血 脉沉實先疎內以絕其源 脉浮大先托裏恐邪氣入內 左寸關洪緩而弦容邪在脉

上皮膚間發汗而通其榮衛

內之外外之內之論 內之外者脉沉實發熱煩躁外無焮赤痛深於內其邪氣深故疎通藏府以絕源 外之內者脉浮數焮腫在外形証外顯恐邪氣極內行故先托裏

灸不灸之辨 自外而入者不宜灸托之而不內自內而出者宜灸內經曰陷者灸之 灸不痛痛而後止灸 灸痛不痛而止灸 灸不痛者先及其潰故不痛而後及良肉故痛也 灸而痛者先

及未潰故痛次及將潰故不痛也 先以濕紙覆其上立候之其紙先乾處是癰頭也取如三分厚蒜片安頭上用大艾炷灸之三壯即換一蒜片灸而痛者至不痛不痛至痛而方止矣

瘡皮緩急之辨 皮緊急者善 皮緩虛者惡

瘡証死處 伏兔 腓脛 背五藏俞 項上 腦

鬚 髻 頤 右脉絡所會內系藏府蓋病者

早求醫工亦察証治之則不死若病者侮之治亦不對証則雖不死之處乃到危矣

俗醫誤耽芳香之說 治大丁之法當瀉榮氣非苦

寒之劑不能除其苦痛諸瘡有痛傭工往々多以

芳香之劑治之無少減之理若使經絡通去藏府

積滯必無痛苦寒之劑除疼痛藥下咽則痛立止

此神妙之劑也

辨肺癰 男女咳而胸膈隱痛兩脚腫滿咽口乾燥

煩悶多渴濁唾腥臭溺赤糞結是日肺癰 實者

先參蘓飲後桔梗湯 虛者先小青龍湯後桔梗

湯

乳癰 乳核失治必成癰 乳房屬陽明 乳頭屬厥陰  
或因忿怒或因厚味氣不流行竅不通汁不出則  
結為腫痛陽明經血熱則為膿初結核時須忍痛  
揉散軟血脉通和自然消散失之則成痛  
瓜萇散治乳癰效勞 瓜萇仁三分酒研入乳香少  
許酒服熱甚者加石膏末少許

癰門

一腸癰膚囊腫痛出黃水 二氣癰時大時小或痛  
或不痛 三外腎腫脹偏有大小硬如石 四水

內癰包水而脹 皆是腎虛為勞役所傷感風濕結  
而不散久則氣虛憊致癰

治例 補腎 茴香 地黃之類 散風 防風之類 除

濕 木通 枳實 檳榔之類 通血 桃仁 牡丹皮之類

行氣 橘皮 昆布 海藻 木香之類 右察脉辨証

用之 又灸關元在臍下三寸

脫肛門

肺與大腸為表裏 肺蘊熱則肛門閉結 肺虛寒  
則肛門脫出

治例 氣虛者人參黃耆川芎不用升麻 血虛者

四物湯 血熱者四物湯加黃蘗

外治 以香附子荊芥等分煎湯洗之 摻五倍子

細末緩之揉入

婦人產育用力過多而有此病 小兒久痢後大腸

虛而成脫肛 右各隨証察盈虛調肺補腸胃則

自然收矣

眼目門

內經曰目得血而能視 蓋血亦有有餘不足有餘

眼目瞻視係水液  
清濁翳障虛隔非  
特由血之多少也

其則目壅塞而痛不足則目耗竭而昏 年少壯人

血有餘 年老衰人血不足 是亦大概之說也

詳可察虛實

五輪 烏睛曰風輪屬肝木 兩眦曰血輪屬心火

上下胞曰肉輪屬脾土 白睛曰氣輪屬肺金

瞳子曰水輪屬腎水 右五輪之論俗醫皆知

之反有目疾則不知病之理

目不因火則不病 白輪變赤火乘肺 肉輪赤腫

火乘脾 腫光被翳火乘肝 赤脉貫目火自甚

五輪八廓漢人妄  
論不足證據

冷熱之二証 瞳子內湧白睛帶濕色浮而赤是熱

証也 瞳人青綠白睛枯槁氣沉而濁是冷証也

治例 風証驅散之菊花細辛防風黃芩荆芥 熱

証清之地黃黃連決明子黃芩石膏 氣結順之

桑白皮升麻黃芩 血過瀉血桃仁芍藥生地黃

正黃芩 血熱涼血地黃當歸芍藥 腎虛補之五

味子菟絲子地黃枸杞覆盆 肝鬱調之梔子車

前子當歸地黃 婦人血不氣 畏寒大熱之証

洗方治暴赤眼 黃連黃礬赤芍杏仁銅錢開元背

者更如 右各一錢煎之以青絹浸藥汁点眼洗之

點方 鳳白丁香 龍腦 右等分細末極研之點眼

角 耳門 耳者腎氣所通也 顙頰黑者知耳聾

又方 真珠 龍腦 辰砂 右等分極細研點眼

角 治赤爛 以三稜針刺目眦外以瀉濕熱而愈 蒸又

察脉証用藥劑絕病根矣

耳門

耳者腎氣所通也 顙頰黑者知耳聾

察淺深。凡氣厥而壅耳，則易治。氣順流則無耳中壅塞患。腎虛精脫耳聾難愈，色欲難保而天真元氣易虛難盈之謂乎。

治例：陰虛火動而聾，宜四物之類。酒過人之耳，鳴用枳殼、柴胡、大黃、甘草、青皮、荆芥。耳中出膿，龍骨、枯礬、赤小豆、烏賊、未投之。脈虛而中風，風入耳脈，經氣痞而聾者，必有頭痛之証，散風通氣，防風、羌活、木通、黃耆之類。大病後聾，用生菖蒲、烈汁滴耳中。膿耳，香附子去毛研末，以綿杖入

耳中，百虫入耳，用雞冠血滴入耳，即出。又韭汁和醋灌耳中。又法以火照之，即向明出。

鼻門

鼻者，肺之通竅，為清氣出入之道路。肺和鼻調，則知香臭。熱客於陽明，遂以迫血妄行，則為衄。風冷入經，上腦下鼻，而成流涕。冷滯氣塞鼻，則不聞香臭。

肝熱甚則出泣，心熱甚則出汗，脾熱甚則出涎，肺熱甚則出涕。腎熱甚則出唾，右是熱極，則反汗出之。

類也以火煉金熱極而反化爲水故經曰亢則害  
柔乃制也

治例 寒則溫之桂人參麻黃于薑川椒 熱則清  
之黃芩荆芥 氣血壅塞則通之木香木通 風  
寒結滯則散之防風升麻細辛川芎羌活陳皮之  
類

鼻尖微赤及鼻中生瘡謂之酒瘡此因飲酒過多氣  
血壅滯上焦生熱致此証矣治之宜山梔子黃芩  
橘皮之類 又以牛耳垢付妙 以黃礬苦參樛柳

末豬脂調付良也

小兒赤鼻醫黃丹雄黃二味爲末水調付之

唇口門 附舌

唇口脾經主之五味所入也 舌者心之所主也

舌本者肝經絡之 風寒傷心脾舌強不能言

壅熱攻心脾則舌腫不言

因脾心虛而風熱乘之患重舌木舌出血口舌生瘡  
皆因上焦熱壅而所致宜黃芩門冬黃蘗黃連明  
礬之類 用涼劑而不愈者中焦氣不足也含理

中湯之類也

以味知源 口鹹則為寒 口酸則停滯 口澁則為燥 口淡則為虛 口甘則為熱 口苦則為熱 口臭則胸中熱

治例 羅服自然汁治口瘡 頻漱之 又方 明礬 梔子 柳葉灰 各細末 吹口中 口臭 丁子 川芎 白芷 甘草 各末 蜜丸 含之 口瘡 久不愈 黃礬 灸黃末 小 搽之 忌醬 醋 鹽 口吻 口傍 瘡 髮灰 故綿灰 黃連 干薑 各末 搽之 又方 檳榔 燒存性 輕粉 二味 末而

搽瘡上 治重舌 皂角 不蛀三挺 去皮弦炙 荆芥 右米醋調

付腫處 治木舌 半夏一味 醋煎 灌漱 吐出必愈

○木舌漸大 滿口 不急治 殺人 白礬 百草霜 各末

水 調 口噤 挑灌之 傷寒後 舌出不收 巴豆一粒

去皮 用紙燃捲之 入鼻中 舌必收 ○舌上血出 黃

連黃礬 梔子 酒水煎 頓服之 又方 黃礬 一味 灸

焦末 每服二分 米飲下

四氣之見証 風多則唇動 寒多則唇揭 燥多

則唇乾 熱多則唇裂



氣血之二証。氣鬱則唇生瘡。血少則唇瀦而無色。

牙齒門

齒者骨之餘，腎主之。手陽明之脈入齒注牙。

冷熱二痛之治例。牙齒冷痛者，用胡椒、丁香、秦椒。

良薑、細辛之類。牙齒熱痛者，必齲腫，或連頰痛。

血出，用升麻、地骨皮、黃連、生地黃之類。

風痛，感風齒痛者，用細辛、荊芥、升麻、獨活、白芷、乳。

香之類。

蛀痛，因蛀齲而牙齦宣爛，腮頰腫痛，用霍亂、荊芥。

縮砂、秦椒、柳枝、皂角之類。

取患牙之法，烏頭、草撥、川椒、細辛。

右末少許，搯牙齒痛處內外，其牙自落。

固虛搖牙齒之法，香附子、鹽、右末，勻擦。

虛搖之齒，齲則齒必定。

咽喉門

咽嚥也，咽門透胃，可嚥物而至于胃。喉嚥通氣往來者也。咽喉生瘡，痛多屬虛熱，用人參、荊芥、黃。

藥之類

血氣二虛之咽喉瘡 氣虛者人參竹瀝 血虛者

四物竹瀝

治喉痺急閉 明礬分二巴豆二粒 右銚內鎔化白

礬為水置巴豆於其內候乾去巴豆取礬末少許

以管吹喉中 一方用巴豆去皮包綿隨左右塞

鼻中左右俱有者用二枚

腋臭門

人腋下臭穢謂之胡腋言胡國之人其腋各臭 又

謂之狐腋言狐狸其腋甚臭

治腋氣臭於狐狸 白礬燒盡 黃丹 雄黃 輕粉

鐵粉 右末每夜以皂莢水洗後唾調塗之

又妙方 田螺大生者 巴豆去皮 膽礬許 麝少

右以螺水養三日出泥起靨入三種以線扎定放

入磁器內翌日成水五更時以藥水自抹在兩腋內

大不住手待藥氣透腹行藏府而住手先揀深遠無

人之處生地內去黑糞極臭是其證也以土厚蓋

之不可令人知如不盡再以藥水抹之又去大便

後次日以枯礬擦之盡病根

此方出于萬病回春余試數藥數十種特此方特能奇有奇效  
真良方也

人大害

九虫 一伏虫長四分是群虫之主也 二虺虫長

一尺貫心則殺人。三白虫即寸白虫長一寸相生子孫轉

又多母長至數丈 四肉虫如爛杏令人煩滿 五

肺虫收如蚕令人咳 六胃虫如蝦蟇令人嘔吐

代蟻 七弱虫如瓜瓣令人多唾 八赤虫收如牛

肉令人腸鳴 九螻虫至細如菜虫居腸腸多則

馬為痔 由臟腑不實脾胃虛雜食生冷甘肥油膩

海菜等物節宜不時腐敗停滯所以發動為其候

嘔惡吐涎口出清水痛有去來

三虫 十長虫赤虫螻虫也

治寸白虫妙方聖効散 木香 檳榔 右細末每

服三分先空心嚼炙猪肉之類只吞汁吐滓便服

藥調水飲下之辰巳間虫下其病永除

凡治諸虫之道察寒熱虛實辨脉之浮沉遲數隨脉

証施藥

後次日以枯礬擦之盡病根

諸蟲門

夫人腹中有虫此物與人俱生而為人大害

九虫 一伏虫長四分是群虫之主也 二虺虫長

一尺貫心則殺人 三白虫長一寸相生子孫轉

多母長至數丈 四肉虫如爛杏令人煩滿 五

肺虫收如蚕令人咳 六胃虫如蝦蟇令人嘔吐

噦 七弱虫如瓜瓣令人多唾 八赤虫收如牛

肉令人腸鳴 九蟻虫至細如菜虫居腸多則

為痔 由臟腑不實脾胃虛雜食生冷肥油膩

海菜等物節宜不時腐敗停滯所以發動為其候

嘔惡吐涎口出清水痛有去來

三虫 長虫赤虫蟻虫也

治寸白虫妙方聖効散 木香 檳榔 右細末每

服三分先空心嚼炙猪肉之類只吞汁吐滓便服

藥調水飲下之辰巳間虫下其病永除

凡治諸虫之道察寒熱虛實辨脉之浮沉遲數隨脉

証施藥

自外之內自內之外 自外之內者察四氣而散之

泄之溫之涼之宜湯煎矣 自內之外者察寒熱

虛實食傷七情而解之消之和之攻之宜丸散矣

按此文疑他篇之錯簡

婦人門

男雖十六而精通必三十而娶女雖十四而天癸至

必二十而嫁此皆陰陽之氣完實然後交合則孕

育而為子堅壯壽強也

調經 經水者陰血也血為氣之配氣熱則熱氣冷

不則冷氣升則升氣降則降氣凝則凝氣滯則滯氣

清則清氣濁則濁上應於月其行有常故名月經

成塊氣凝也 將行而痛氣滯也香附子桃仁

來而後痛血氣虛也當歸地黃 色淡虛有水

混也 錯經妄行氣亂也 紫色氣熱也 黑色

氣熱甚也 先期血熱故也當清之四物加黃連

過期來血冷故也當溫之當歸朮之類

求男女之術 婦人經行後一日三日五日於夜半

時生氣瀉精受妊必男也 經行後二日四日六

日瀉精受妊皆女也。若過六日後包絡新血已滿，雖瀉精不爲孕也。丙丁不可交大忌。

妊謹。婦人若受孕，須行坐端嚴，性情和悅，常處靜室，多聞美言，令人講詩書，陳禮設樂，耳不聞非言，目不觀惡事，則生男女福壽敦厚，忠孝賢明。

調父母之說。婦人羸弱而無孕，養血壯脾。丈夫虛乏而無孕，壯脾節色。羸女待血盛而嫁，弱男待精盈而婚。

不戒之過。婦孕食兔唇缺，食狗肉無聲，食雜

魚鱗瘡，如此屬飲食不戒之過也。

不調之過。心氣驚則子必癩，母腎不足解顛。

母脾不足羸瘦，母心氣不足神不定，如此類

氣血不調之過也。

脉。左手三部脉大而疾男，右手三部脉滑大而

疾女，少陰脉動甚者妊也，手少陰心主血，足少

陰腎主精，血精交成孕，脉動入產門者有胎也。

陰部見陽脉男，陽部見陰脉女。

血氣衰旺之說。氣壯血衰則必無孕，血旺氣衰則

定有孕

察孕 婦人經脉不行已經三月者欲驗有胎川芎

不見末方寸七熟艾煎湯空心服之腹內覺微動

則有胎也

惡阻 顏色如故脉和但肢體沉重頭目昏眩擇食

惡聞食氣好酸鹹甚者寒熱心悶嘔吐輕者不及

服藥重者用藥門冬茯苓橘皮人參白朮甘草之

類也

胎動 妊婦常胎動不安者衝任經虛胞門子戶受

胎不實故也用艾葉當歸阿膠川芎之類而調之

又食鯉魚葱

妊下血 孕婦或冷熱不調傷於胎卒痛下血用續

斷艾葉地黃竹筴之類

妊傷寒護胎 伏龍肝細末水調塗臍下二寸乾則

易 又方井中泥塗心下乾則易

妊傷寒骨節疼痛壯熱不急治則胎落 葱白 前

胡 家葛根 石膏 梔子 升麻 右剉散煎

服

臨月預服而縮胎方 枳殼散 枳殼五兩 甘草兩 香附

子三兩 右細末 薑湯點服 忌登高廁

滑胎榆皮散 葵子兩 榆白皮 甘草各二兩 右劉

散煎服

及產時宜向方 子午卯酉日向南方 寅申巳亥

日向乾方 辰戌丑未日向巽方

反支月 十三歲行年在庚申正月七月 十四歲

行年在巳未二八月 十五歲行年在戊午三九

月 十六歲行年在丁巳四十月 十七歲行年

在丙辰五十一月 十八歲行年在乙卯六十二

月 十九歲行年在甲寅正七月 二十歲行年

在癸丑二八月 二十一歲行年在壬子三九月

二十二歲行年在辛亥四十月 二十三歲行

年在庚戌五十一月 二十四歲行年在巳酉六

十二月 二十五歲行年在戊申正七月 二十

六歲行年在丁未二八月 二十七歲行年在丙

午三九月 二十八歲行年在乙巳四十月 二

十九歲行年在甲辰五十一月 三十歲行年在



癸卯六十二月 三十一歲行年在壬寅正七月  
 三十二歲行年在辛丑二八月 三十三歲行  
 年在庚子三九月 三十四歲行年在己亥四十  
 月 三十五歲行年在戊戌五十一月 三十六  
 歲行年在丁酉六十二月 三十七歲行年在丙  
 申正七月 三十八歲行年在乙未二八月 三  
 十九歲行年在甲午三九月 四十歲行年在癸  
 巳四十月 四十一歲行年在壬辰五十一月  
 四十二歲行年在辛卯六十二月 四十三歲行

年在庚寅正七月 四十四歲行年在己丑二八  
 月 四十五歲行年在戊子三九月 四十六歲  
 行年在丁亥四十月 四十七歲行年在丙戌五  
 十一月 四十八歲行年在乙酉六十二月 四  
 十九歲行年在甲申正七月

四種產証 一正產先露頭如常順 二橫產先露  
 手 三倒產先露足 四傷產月數不足或延月  
 右此外有十產之異其詳在良方

治橫倒二逆之証葵子湯 阿膠 妙滑石 各一 葵子

右煎葵子一味三沸後入滑石又二沸後入膠末服之

治產難經日不生并橫倒 雲母半兩登 右温酒

調服萬不失一

辨胎死 產婦舌色甚青者是胎死必也 用當歸

桂麝香榆白葵子瞿麥之類下之

胎衣不下之說 生子訖血入衣中為血脹故不下

奪命丹牛膝湯之類量病之輕重用之脾胃弱忌

奪命丹 附子 炮 牡丹皮 乾漆 平 右細末而醋

一升大黃末一兩熬為膏和藥圓温酒下

產後譫妄如有神靈 一產後心虛敗血停積犯心

而譫妄 二產後藏虚心驚志神不安而狂言

三宿有風因產心虛腰背強或妄歌笑 四產後

多因敗血迷亂心經顛倒狂言 五產後感風寒

惡露斬然不行憎寒發熱如瘡晝慧夜譫熱入血

室故也 右四物湯只用生乾地黃加柴胡若不

愈小柴胡加生地黃

臨產之外証 既臨產身重體熱 又頻舌下脉青

黑舌上冷子死腹中。唇口俱青沫出子母俱死。  
面舌俱青頻沫出母死子活。

新產脉 新產脉寸澁疾不調死。沉細附骨不絕生。

產後浮腫 產後敗血乘虛停積五藏循經流入四肢如水漸令四肢面目腫庸學之徒為水腫治之虛虛損不足但服調經之劑則血行腫消矣。

小兒門

兒始生時坐婆急以綿拭去兒口中惡物則永無病

也若不拭嚙下則生百病。

兒生未出声時黃連煎汁一口灌之終身不發瘡疹。

林出聲灌之疹雖發必輕。

臍風 兒生而七日內靨上有小泡子如粟粒熟帛

浸湯裏指輕擦口開安不然坐視斃。

壽相 兒陰大而黑與身色相等者可養之子也。

黑睛大白睛少面黑眼中黑白分明壽相也。

夭相 兒陰小而白者難養之子也。白睛大黑睛

小面眊白非壽相也。

雜說 男子七歲日髻 女子八歲日鬣 髻鬣滿  
後呼爲童兒始可看脉 兒生半歲已上方可看  
虎口 週歲已上看虎口并一指脉以食指按之  
上下衮轉分取三部三部非寸關尺 面色爲一  
部虎口爲一部一指脉爲一部 若五百六十四  
日變蒸滿足只看一指脉  
拭吐利之三處 兒生惡血未嚥綿指拭之 吞血  
在胸吐以甘草煎汁 惡血入腹利以黃連汁  
痘疹 兒身熱耳冷飢冷咳固痘疹也

痘疹五藏之異証 呵欠煩悶肝也 時發驚悸心

也 乍涼乍熱肢冷脾也 面目顛赤咳時噎肺

也 腎在下不受穢瘡黑者屬腎內虛因冒風冷

輕 三次出大小不一等頭面稀少眼中無根窠紅

肥滿光澤

重 一齊出如蚕種灰白色稠密瀉渴身溫腹脹頭

溫足冷

禁忌 房事 雜食 冷水 涼藥 聞香臭 見

產婦孝子生人 風寒 先曾瀉 痘不黑慎勿

下。惡寒不已，身冷汗出，耳聾熱者死。不黑者，  
疳。疳，脾胃病亡津液所致也。疳在內，目腫腹脹，利  
色無恒，漸瘦，血氣不足，同大人勞瘵矣。

右五十五箇門類者，衛生一助，保養龜鑑也。分別  
陰陽虛實，辨察氣血盈虧，如指掌矣。

類證辨異全九集卷之一下終

類證辨異全九集卷之二

錢塘月湖編繹 田澤仲舒 校

日用藥味三十七種

石膏一名細理石，甘微寒，沉降，通胃中結，煩悶。

治內蒸瘡病，去頭痛，主日晡潮熱，發汗。

止口舌乾焦，治喘，主腹脹，涼三焦熱，白。

澤者良，黃者令人淋，東垣云胃弱者不可服，令

人不食，非腹有極熱者不可輕用，畏莽草。

甘草一名薺，甘平升降，一名國老，補三焦，養血。

疳消渴

潤肺 去咽痛 生瀉火 灸健胃 稍去腎  
 痛 國老帝師之稱 雖非君 為君所宗 是以能安  
 和草石 而解諸毒也 熱藥用之 緩其熱 寒藥用  
 之 緩其寒 理中用之 恐僭上 氣用之 恐速下 二  
 用皆緩也 柴胡用之 柴胡黃芩 寒人參 半夏 溫有  
 調和之意 反大戟 芫花 甘遂 海藻 忌猪肉  
 丹溪曰 下焦藥少用之 恐大緩 不能自達 內經  
 曰 甘者 令人中滿 中滿者 勿用之  
 人參 一名神草 甘微寒 微溫 升降 補五藏 安精

神魂魄 定驚悸 主霍亂吐逆 益元氣 壯  
 脾胃 湯液日 治脾肺陽氣不足 瀉脾肺胃中火  
 邪 非升麻為引用 不能 蕭炳云 和細辛 密封 經  
 年不壞 海藏云 去蘆頭 不去 令人吐 丹溪曰  
 用一兩參 入蘆一分 其一兩參 虛費 戒之 反藜  
 蘆 潔古云 喘嗽勿用 雷公曰 夏中少使 發心  
 咳之患也 劉純云 肺寒可服 熱猶忌 血實氣  
 虛用之 氣實血虛 忌之  
 白朮 一名山精 苦甘溫 升 去脾胃濕 消穀進飲

白食一治腰痛安胎消虛痰湯液云非白朮不能除濕非枳實不能消痞多用則涸腎水藥性論云忌桃李雀肉菘菜青魚經驗方忌蛤麥門冬一名馬韭甘平微寒乾者強陰益精主口燥嘔渴治心肺虛熱虛勞客熱藥性論云主泄精東垣云治經枯乳汁不行生用去心熱止煩渴治身黑目黃體勞云止嘔開胃補肺中元氣不足治血妄行惡欬冬苦瓠畏苦參青蘘不去心令人煩

地黃一名地髓甘苦乾微寒生大寒降熟逐血痺填骨髓長肌肉東垣曰益腎水真陰壯水源機要曰臍下痛腎經也非地黃不能除生主崩中血不止產後血上薄心治胎動下血治鼻衄吐血東垣云脉洪實宜生脉虛則宜熟酒浸則上行外行湯液云生大寒涼血熟性寒補腎日乾平火乾溫功用同生乾平宜熟乾溫補惡貝母畏蕪荑惡羅服雷公云勿犯銅鐵令人腎消并白髮男損榮女損衛也初採以水浸

全九集  
卷之二  
三

浮名天黃不堪用半沉名人黃爲次沉名地黃最  
佳也 丹溪曰病人虛而多熱者勿用慎之 湯  
液曰生地黃大寒宜斟酌用之恐損胃氣

柴胡一名地薰苦平微寒升 去腸胃中飲食積聚  
往來寒熱 治傷寒心下煩熱 治諸熱痰結

東垣云去脇痛又云治瘡瘍癰積在左又云欲升  
用根酒浸欲中下生用梢 湯液曰引胃氣上升

日華子云潤心肺益精補髓 雷公曰勿令犯  
火立便無効也 惡皂莢畏女菀菖蘆 衍義云

本經無一字治勞今人治勞方中鮮有不用嗚呼  
誤世甚多

獨活一名獨搖草苦甘平微溫升 主賊風百節痛

治頸項難舒 止金瘡痛 東垣云羌活肢節

痛非此不能除之又云獨活治風燥濕 日華子

云獨活卽是羌活母也 圖經云紫色而節密者

羌活黃色而作塊者獨活 唐本注云療風宜用

獨活兼水腫宜用羌活

升麻一名周麻甘苦平微升 發浮汗 治痘疹



治頭痛寒熱風腫諸毒喉痛口瘡 解肌肉間熱

丹溪曰治肺痿咳唾膿血 東垣云去風邪在

皮膚及至高之上 若兀々自汗者表虛也不宜

用之朱氏用升麻以表實無汗也仲景云大陽病

若發汗利小便重亡津液胃中乾燥其害不可勝

言

澤瀉一名芒芋其鹹寒降 主濕痺乳難 消水治

瘡腫 治消渴淋瀝 逐膀胱三焦停水 葉王

乳汁不出 畏海蛤文蛤 食澤瀉實令人無子

行字疑寫誤

黃 多服澤瀉病人眼為行去其水也 衍義云服

澤瀉散人未有不小便多者小便既多腎氣焉得

復實今人止泄精多者不敢用湯液云治小便淋

瀝去陰間汗無此病服之令人目盲

防風一名銅芸其辛溫升 身去身半已上風 稍

去身半已下風 治風行周身骨節疼痺 主脇

痛 治頭眩 東垣曰治諸風去濕 惡干薑藜

蘆白歛芫花 別錄曰頭令人發狂又尾發癩

疾 葉主中風熱汗出

五味子一名玄及酸温升降唐本注曰皮肉甘酸核  
 中辛苦都有鹹味也 治嗽 明目 强陰 益  
 精 止渴 解酒 消水腫 補元氣不足 生  
 津液 孫真人云五月常服五味子以補五藏氣  
 惡萎蕤 潔古曰与烏頭反 衍義曰日華子  
 云煖水藏又云除煩熱後學至此多惑今已用之  
 治肺虛寒則更不取除煩熱之說 丹溪日食之  
 多致虛熱收補之驟也

黃連一名王連苦寒微降 明目 治腸辟腹痛

主下痢 治口瘡 去脾胃中濕熱 心下痞滿  
 必用藥也 東垣曰去中焦火治諸瘡 海藏曰  
 兒生未出声時煎之一口灌之終身不發瘡疹出  
 聲灌之斑雖發亦輕 惡菊花芫花玄麥白蘚畏  
 欬冬 衍義曰今人多用治痢又不顧寒熱多少  
 但以盡劑多致危若氣實初病熱多血痢服之便  
 止仍不必盡劑也或虛而冷則不須  
 葛根一名鹿藿甘平上行微降 治傷寒中風頭痛  
 解肌發表出汗 除渴 止嘔 東垣云虛渴

者非此不能除之。又曰發小兒瘡疹難出。殺  
 巴豆毒。東垣云不可多用恐損胃氣。湯液云  
 東垣云世人初病大陽證便服葛根升麻非也陽  
 明經藥也。葉主金瘡止血。葛花并小豆花乾  
 末服方寸七飲酒不知醉也。粉大寒壓丹石去  
 煩熱利二便止渴。

當歸一名山蘄甘溫大溫升降。頭止血而上行  
 身養血而守中。尾破血而下流。全活血而不  
 走。治婦漏下。主惡瘡金瘡。去血刺痛。除

容血。破宿血。治上浸酒。治外酒洗。東垣  
 云治諸病夜甚。衍義曰補女子諸不足此說盡  
 當歸之用也。別錄曰使氣血各有所歸故聖人立  
 當歸之名矣。畏菖蒲海藻。藥性論云畏生薑  
 惡濕麩。湯液曰主咳逆上氣當歸血藥如何治  
 胸中氣矣。  
 芍藥一名餘容苦酸微寒升而微降。治腹痛。消  
 癰腫。散惡血。利膀胱。安脾。止瀉痢。日  
 華子曰赤補氣白治血。序例曰戒芍藥以避中

寒誠不可忽。衍義云：血虛寒人禁此一物。反藜蘆畏硝石、鼈甲、小薊、惡石、斛、芒硝。

川芎一名香葉，辛溫升。治頭痛，補血，治目淚多出。察胎與血塊。衍義曰：頭面風不可闕也。易老云：上行頭目，下行血海。大陽少陽頭痛。川芎陽明頭痛，川芎白芷畏黃連。丹溪曰：單服久則走散真氣。沉湮曰：予一族子舊服芎醫鄭叔能見之云：芎不可久服，多令人暴死。後族子果無疾而卒。又朝士張子通之妻病腦風，服芎甚

前久，一旦暴亡，皆目見者。此蓋單服耳。若單服久則走散真氣，使他藥佐使，又不久服矣。

水通一名丁翁，辛甘平微寒。利九竅，出音聲。

散癰腫，利小便。主水腫，下乳汁。瀉小腸

火。莖有細孔，兩頭皆通。含一頭吹之，則氣出彼者良。子曰：燕覆主胃口熱閉，反胃不下食。

香附子一名雀頭香，甘微寒。治腹痛吐瀉，益氣

快氣，消食，除胸熱。婦人得此為仙藥。

圖經曰：治膀胱兩脇氣妨，常日憂愁不樂，飲食不

多皮膚瘙癢癢疹日漸損心忪少氣以此知益氣  
血中氣藥也 雷公曰勿令犯鐵

黃芩一名黃文平苦大寒升 主諸熱 凉心 逐

水 安胎 治疽 治熱痰 治腸澼泄痢惡瘡

東垣曰產後養陰退陽 湯液曰補膀胱之寒

不足治目赤 丹溪曰黃芩安胎者乃上中二焦

藥降火下行縮砂安胎者治痛行氣也 禁猪肉

惡葱實畏丹砂牡丹藜蘆

前胡一名西天蔓苦微寒 去痰滿胸中 治風頭

痛 治傷寒寒熱 治嗽 療痺 安胎 惡皂

莢畏藜蘆

桔梗一名利如辛微苦温升 利咽喉痛 主蠱

治肺癰 利肺氣 治寒嘔 消穀 畏白及龍

膽 丹溪曰桔梗能載諸藥不能下沉為舟楫之

劑耳

大黃一名無声虎苦大寒降 下瘀血 破癥積宿

食 消痰實 推陳致新 惡乾漆 潔古曰其

性走而不守 圖經曰古人用毒藥攻病必隨人

虛實而處。僧坦初仕梁武帝，因發熱欲服大黃。坦曰：大黃乃是快藥，至尊年高不可輕用。帝不從。殆至委頓，元帝有心腹疾，諸醫咸謂宜用平藥，可漸宣通。坦曰：脉洪而實，此有宿妨，非用大黃無差理。帝從而遂愈。

半夏一名水玉，辛生微寒，熱溫降。治喉咽腫痛、心下堅、主嘔咳、消心腹胸膈痰熱、滿結、止汗。姓者薑炒而用之。衍義曰：今人唯知去痰，不言益脾，蓋能分水故也。惡皂莢，畏雄黃、生薑、乾

薑、秦皮、龜甲、反烏頭。禁食錫與羊肉。丹溪曰：諸血症禁服。仲景傷寒渴者去之，半夏燥津液

墮胎

知母一名女雷，苦寒降。除四肢浮腫，下水。治久瘡。主消渴熱中。仲景用此入白虎湯，治不得眠者，煩躁也。東垣曰：瀉腎中火。又曰：治有汗骨蒸。本經曰：多服令人泄。雷公曰：勿令犯

鐵器

紫蘓一名水狀元，辛溫。下氣。止霍亂。開胃。

消痰 治脚氣 衍義曰背面皆紫者佳其味辛  
甘能散其氣

黃礬一名山屠苦寒降 治黃疸 主泄痢赤白帶  
下 治陰傷蝕瘡 治目熱赤痛 治口瘡 去  
臍下痛 補腎水膀胱不足 安虬 東垣曰二  
製治上焦單製治中焦不製治下焦

巴豆一名巴菽辛溫生溫熟寒降 破癥瘕結聚堅  
積 去留飲痰癖 治大腹水脹 去惡肉 截  
瘡 去胃中寒濕 東垣曰消化寒涼及生冷硬

物所傷 去皮心 水煮五度 各一沸 研用之 不爾  
令人悶 忌蘆筍醬豉冷水得火良惡藜草畏大  
黃黃連藜蘆 本經曰不利丈夫陰 墮胎 潔  
古曰斬關奪門將不可輕用 丹溪曰去胃中寒  
積無寒積者勿用

茯苓一名茯菟甘平升 止驚悸 潤口焦舌乾  
治尿黃赤利小便 主水腫 惡白歛畏地榆雄  
黃藜朮鼈甲 湯液曰如汗多人服之損真氣  
雷公曰去皮心搗細於水盆中攪令濁浮者去之

是茯苓筋誤服之令人盲目。丹溪曰仲景利小便多用之。暴新病要藥也。若陰虛者恐未為相宜。橘皮一名貴老。辛溫降。利水穀。下氣。治嘔咳。治霍亂。除痰。解酒。補脾胃。不去白。理胸中肺氣。去白。潔古曰陳皮治高。青皮治低。有木補脾胃。無木瀉脾胃。然勿多用也。青皮主氣滯。消食破積。湯液曰有滯氣破之。無滯氣則損真氣。衍義曰以柚為橘。有無窮之患。桑白皮一名延年。卷雪。甘寒。去肺水。益氣。治

水腫。利水道。治咳唾血。補虛。出土上者。淋殺人。雷公曰此藥惡鐵并鉛也。竹筴微寒。主嘔吐。治溫氣寒熱。治吐血崩中。葉大寒除煩熱。治心狂。壓金石毒。檳榔一名洗瘴丹。辛溫降。殺三虫。治寸白。消穀逐水。除痰癖。治腳氣。利大小腸。治後重如神。潔古曰破滯氣泄胸中至高之氣。湯液曰性如鐵石墜諸藥至於下極。雷公曰半白半黑心虛者不入藥用。同日勿經火恐無力。



梔子一名木丹苦寒氣浮味降除上焦煩燥虛熱  
 不得眠治勞復治淋通溺治疽療瘡湯  
 目赤用仁去心胷中熱用皮去肌表熱丹溪  
 曰雖寒無毒治胃熱既亡血亡津液府藏無潤養  
 內生虛熱非此不可去傷寒發汗吐下後虛煩不  
 得眠心中懊懣以梔子湯治虛煩故不用大黃以  
 有寒毒故也梔子雖寒無毒  
 枳殼一名洞庭奴隸苦酸微寒利關節散留結  
 胸痰逐水消脹勿多用損胸中至高氣

枳實苦酸微寒除胸脇痰癖破結實消脹滿  
 半心下急痞湯液云殼主高實主下高者氣下者  
 血  
 地骨皮一名三尸籙苦寒梗皮寒根大寒子  
 微寒涼骨熱涼血解酒去腎風解骨  
 蒸潮熱益精雷公曰春食葉夏食子秋冬食  
 根并子  
 地榆一名無明印苦甘酸微寒降消下部積熱  
 治瘡止汗治腸風下血瀉痢下血主婦乳

疾帶下、月水不止、治金瘡、湯液日、治小兒疳、  
疔、與麥門冬反、衍義日、性沉寒、入下焦、熱血、  
疔可用、虛寒人反水瀉、即未可輕使、

右三十七味者、日用之節要者也、於諸家本草中、  
據樞機而錄焉、察病證淺深、候虛實寒熱、而消息、  
試之者、佳也、三、

血追加四十種、

牛膝、一名百倍、苦酸平、主四肢拘攣、治腰脊膝、  
痛、通月閉、主寒濕痿痺、衍義云、酒浸服益、

腎、生竹木刺入肉、嚼爛、卷之即出、丹溪日、能引、

諸藥下行、春夏用葉、秋冬用根、惟葉汁之効尤速、  
腰腿之疾、不可缺也、惡龜甲畏白前、

防已、一名解離、辛苦平溫、主風寒溫瘡、療水腫、  
風腫、治中風肢攣、湯液日、治腰已下至足濕、

熱腫、盛脚氣、丹溪日、通行十二經、惡細辛、畏、  
草薢、

黃耆、一名戴糝、甘微溫、主丈夫虛羸、自汗、益氣、治、  
表虛盜汗、湯液云、味苦能令人瘦、特味甘者能、

令人肥也。又云出綿上為良，以地產為綿，若以  
黃柔鞞為綿，偽者亦柔，但以乾脆甘苦為別耳。忌  
火。

木香一名密香，辛溫，沉降。衍義曰：專泄決胸腹間  
滯寒冷氣。東垣曰：泄肺氣不可缺。湯液曰：安  
胎。又曰：治中下焦氣結滯，以檳榔為使。  
薏苡仁一名起實，甘微寒。主筋急拘攣，不可屈伸。  
利腸胃，消水腫，進食。衍義曰：本經云微  
寒，主筋急拘攣，有兩等。素問注：大筋受熱則

縮而短，故攣急不伸，此是可用薏苡。若素問言因  
寒則筋急者，不可用之。

瓜萋根一名地樓，苦寒。主消渴，唇口乾燥。治胃

中痼熱，療疽黃。治乳無汁，止小便。瓜萋

實治胸痺，降痰治嗽。丹溪曰：滌胸膈中垢膩，治

消渴，下乳汁。反烏頭惡乾薑，畏牛膝乾漆。

木瓜一名蠻擔，酸溫。主濕痺，治霍亂吐下轉筋

不止。衍義曰：病腰腎脚膝無力，此物不可闕也。

食療曰：主嘔吐。湯液曰：東垣曰：氣脫則能收。

氣滯則能和

連翹一名三廉苦平 湯液曰微寒升 主癰腫惡

瘡 去上焦諸熱 衍義曰治心經客熱最勝

湯液曰治瘤氣結核瘡聖藥也

杏仁一名德兒甘苦温 主咳逆上氣雷鳴喉痺下

氣 王奉朝曰治傷寒氣上喘衝逆者不喘用陳

瓜皮 東垣曰利腎逆喘潤腸秘 衍義曰治肺燥

喘熱大腸秘如無上證更入鹽点尤佳 日華子

曰杏實多食傷神小兒不可食多致瘡癰 惡黃

蘇茶黃耆葛根 甘平 治心腹血痛

桃仁一名嬰鬼苦甘平 主瘀血血閉癥聚 消心

下堅通月水止痛 丹溪曰破血不可無 又曰

苦以泄滯血甘以生新血故凝血須用又去血中

之堅 桃實酸多食令人有熱

榆白皮一名零榆甘平性滑利 主二便不通 消

腫 子母秘錄曰治胎死腹中或母病欲下胎榆

皮煮汁服二升 勿令中濕濕則傷人

遠志一名棘菟苦温 利九竅耳目聰明益智惠不

全九集  
卷之二十一  
○  
忌利丈夫定心氣定驚悸益精日雷公日須去心  
不去令人悶 草名小草益精補陰氣止虛損多

泄

良薑一名埋光烏藥辛大温 主胃冷霍亂腹痛

日華子曰治反胃嘔食解酒毒消宿食

鬼絲子一名玉女辛甘平 續絕傷 補不足 益

氣力 强陰 堅筋骨 養肌 主莖中寒精自

將出弱有餘瀝 得酒良宜丸不宜煮

蒲黃一名中央粉甘平 利小便 止血 消瘀血

湯液曰破血消腫則生用補血止血則炒用

蕪荻義曰不可多食令人自利不益極虛人

茴香一名懷香辛平 治膀胱冷氣及腫痛 調和

胃氣 丹溪曰調中止嘔不食主腎勞癩疔 湯

液曰治脚氣小腹痛不可忍 衍義曰枝上時有

大青虫形如蚕治少腸甚良

牡丹皮一名鼠姑辛苦寒 除癥堅瘀血留舍腸胃

丹溪曰治衄血吐血之要藥也 又曰治無汗

骨蒸 畏鬼絲子

干薑一名永嘉聖脯辛温大熱 温中出汗 治寒  
冷腹痛中惡霍亂。生薑微温尤良也。嘔吐之聖  
藥也。丹溪曰夜間勿食令人氣閉言薑辛温主  
開發夜則氣本收斂反食之開發其氣則違天道  
是以不宜若有病則不然也。又曰要熱即去皮  
要冷即留皮。惡黃芩黃連。唐本注曰久服令  
眼睛暗。小劑香辛平。熱氣令虛。氣弱。氣弱  
莪茂一名破關符苦辛温。自主心腹痛中惡霍亂吐  
酸。療婦人血氣丈夫黃豚。丹溪曰主心膈痛。

飲食不消破痞瘕氣最良也。  
苦參一名地槐苦寒降而不升。主癥瘕積聚黃疸  
逐水除癰腫止渴醒酒。丹溪曰治大風有功。  
疔風熱細疹乎。衍義曰氣味傷腎故令人腰重。  
惡貝母鬼絲子反藜蘆。  
瞿麥一名大芻苦辛寒。通諸癰。決癰腫。墮胎。  
下閉血。丹溪曰利小便為君。湯液曰養腎  
氣。衍義曰今人為至要藥若心經雖有熱而小  
腸虛者服之則心熱未退而小腸別作病矣。人雷

有脫文

本草綱目

卷之二十一

十一

公曰用蓋殼不用莖葉若一時使即空心令人氣  
咽小便不禁惡蠟蛸

常山一名互草苦辛寒微寒蜀漆根也主溫瘡

治胃中痰結吐逆雷公曰勿用老人與久病

忌葱忌菘丹溪曰能傷其真氣稍近虛怯者

勿用之勿用之

使君子一名風稜御史甘溫主小兒五疳殺虫

治瀉痢衍義曰按經文味甘即是肉然難

得仁蓋絕小今醫家或兼用殼

射干一名烏吹苦平微溫主喉痺咽痛不得消息

散結氣療老血在心肺間咳唾言語氣臭

丹溪曰行大陰厥陰之積痰使結核自消甚捷

陶隱居曰久服令人虛

牽牛子一名假君子苦寒主脚滿水腫利小便

丹溪曰非病形與証俱實者勿用也稍涉虛驅

逐致虛先哲深戒之不脹滿不大便秘者勿用

厚朴一名淡伯苦溫大溫溫中消痰治霍亂

腹痛消脹滿主胃冷嘔逆泄痢丹溪曰溫

而能散瀉胃中之實平胃散用之佐以蒼朮止爲  
瀉上焦之濕平胃土不使之大過而復其平以致  
於和而已非謂溫補脾胃習以成俗皆爲之補衰  
哉厚朴能治腹脹因味辛以提其氣 湯液曰若  
虛弱雖腹脹宜斟酌誤用脫人元氣 又曰本經  
云溫中益氣消痰下氣厚腸胃去腹脹果泄氣乎  
果益氣乎与枳實大黃同用則能泄實滿本經謂  
消痰下氣者是也与橘皮蒼朮同用則能除濕滿  
本經謂溫中益氣者是也

桂心一名尉他主甘辛大熱升溫中 主心腹寒熱  
冷疾霍亂腰痛 堅骨節 通血脈 丹溪曰仲  
景救表用桂枝非表有虛以桂補之衛有風邪故  
三病自汗以桂發其邪和則表密汗自止非桂枝能  
收汗而治之今衍義乃謂仲景治表虛誤矣本草  
止言出汗正內經辛甘發散之意也後人用桂止  
汗失經旨矣 東垣曰治賁豚 湯液曰治秋冬  
下部腹痛 忌生葱 墮胎  
荊芥一名靜風尾辛溫 破結聚 下瘀血 主濕



麻痺痿瘡治產後中風湯液日發汗散風寒  
又曰杵和醋封毒腫 孫真人曰荊芥動渴痰  
冬葵子甘寒 主五癰 利小便 療婦人乳難  
衍義曰性滑利不益人患癰毒熱內攻未出膿  
者水吞三五枚遂作竅膿出  
三稜一名削堅中尉苦平 主老癖癥瘕結塊 通  
月經 消氣脹 消撲損瘀血 丹溪曰主婦血  
脉不調心腹刺痛 湯液云破積氣損真氣虛者  
淋勿用 各據所主 辛大熱代薑中 主心腹寒癢

細辛一名小辛辛溫升 主頭痛腦動 治百節拘  
攣 療風濕痺 明目 利九竅 丹溪曰溫中  
下氣破痰利水道 又曰若單服末不可過半錢  
七卽氣閉塞不通者死 雷公曰一之揀去雙葉  
服之害人

訶梨勒一名澁翁苦溫降 主冷氣心腹脹滿下食  
丹溪曰訶子下氣以其味苦經曰肺苦急急食  
苦以瀉之 又曰氣實者宜之氣虛者似難輕服  
衍義曰此物雖澁腸又泄氣蓋其味苦澁

丁子一名瘦香嬌辛溫溫脾胃止霍亂治風  
毒諸腫齒疳日華子曰治口臭湯液白消痰  
癖氣脹治反胃腹內冷痛殺酒毒潔古曰治賁  
豚雷公曰去丁蓋發背癰也  
吳萸菜一名九日三官辛溫大熱溫中下氣  
去痰冷腹內絞痛衍義曰湯中浸去苦烈汁凡  
六七過此物下氣最速腸虛人服之愈甚  
五加皮一名羽化魁辛苦溫微寒主心腹疝氣腹  
痛益氣療躄小兒不能行堅筋骨強志

意主男陰痿囊下濕尿餘瀝婦陰痒治腰脊  
痛脚痺補中益精雷公曰其葉三花是雄其  
葉五花是雌陽人用陰陰人用陽  
續斷一名龍豆苦辛微溫補不足主金瘡癰傷  
折跌續筋骨主婦乳難崩中漏血主腰痛  
關節緩急惡雷丸  
大戟一名破軍殺苦甘寒大寒澤漆根也主蠱  
療積聚利大小腸通月水通瘀血能墮胎  
反甘草苗名澤漆苦辛微寒主水氣四肢

面目浮腫 利大小腸 止瘡 消痰

紅藍花一名黃藍辛溫 主產後血暈口噤腹內惡

血不盡絞痛 治胎死腹中 其臙脂治兒聾滴

耳中妙 丹溪曰破留血養血多用則破血小用

則養血

紫草一名紫丹苦寒 主五疽 利九竅 通水道

治腹腫脹滿 主小兒瘡及面皴 專治疹痘

龍骨甘平微寒 主心腹鬼疰 治泄利膿血 療

女子漏下 止汗 縮小便 治弱血 養精神

定魂魄 治多精泄 療小便泄精

右四十味者考諸家本草述性味功能追而加曰  
用之三十七味者也

專可知之事

六陳 狼毒 茱萸 半夏 橘皮 枳實 麻黃

八生 紫蘓 薄荷 菊花 桃花 赤小豆 槐

花 澤蘭 欵冬花

十八反 半夏 瓜蒌 貝母 白及 白斂 右

五種與烏頭相反 海藻 大戟 芫花 甘遂

右四種與甘草相反 苦參 人參 砂參

玄參 細辛 芍藥 右六種與藜蘆相反

忌銅鐵 菖蒲 地黃 兔絲或不忌 龍膽 茜根

五味子 瓜蔓 麻黃 芍藥 玄參 知母

牡丹 藜蘆 商陸 香附子 槐花 桑寄

桑白皮 皂莢 雷丸 猪苓 柘榴皮 肉

豆蔻 益母草 蒺藜 薯蕷 棟子

忌火 青黛 犀角 羚羊角 茵陳 茵陳根見火殺

柴胡見火無効 木香 雲母 芒硝 鍾乳 朴

硝 滑石 禹餘糧 雄黃 赤石脂 菊花

川芎 藍葉 白芷 甘松 桂心 丁子 乳

香 白檀 藿香 檳榔 麝 牛黃 薄荷

紫草 虎掌

月禁 正月生蓼生葱梨 二月蓼子梨子兔肉

三月蓼子百草小蒜 四月胡葱大蒜雉 五月

煮餅韭肥濃 六月澤水鷺雁 七月蓴菜芟實

雁 八月生薑葫蒜蟹 九月生薑甜瓜蟹 十

月秦椒猪 十一月陳脯鴛鴦 十二月蟹龜

合食禁 鮓與野雞患癩 野雞與猪肉吐瀉 猪  
 與薑大風 薑與兔霍亂 蟹與灰酒吐血 鯽  
 與芥子黃腫 鼈與莧生鼈痕 鯽與糖丹 糖  
 蜜與小鰕暴下 雉與菌痔 獺與鬼遁尸 麥  
 醬與鯉咽瘡 粟與杏仁吐瀉 柿與蟹瀉 酒  
 後胡桃嘔血 酒後芥緩筋骨 酒後紅柿心痛  
 粥後白湯淋  
 雄禁 雄黃 雌黃 汞 錫 朴硝 大戟 巴  
 豆 野葛 牛黃 藜蘆 牡丹 牛膝 桂心

皂莢 躑躅 槐子 薏苡 瞿麥 附子  
 天雄 烏頭 蜈蚣 斑猫 水蛭 蝮虫 蠖  
 蛄 蟾蜍 蛇蛻 蟹爪 牽牛 半夏 虎掌  
 代赭 蟬蛻 麝香 桃仁 猪 鼠  
 不製之谷 鍾乳不鍊令人淋 朴硝黃是赤殺人  
 人參蘆頭令人吐 地黃犯銅鐵令人腎消  
 細辛凡使去一之棟葉服之害人 遠志不去  
 心令人煩 車前之莖莖大忌之 龍膽空腹食  
 之令人溺不禁 防風又頭令人發狂又尾發癩

疾 蒲黃不可多食令人自利不益極虛人 巴  
豆不去心令人悶 麻黃先煎去泡不然令人煩  
杏仁桃仁不去雙仁者殺人 蜀椒去目及口  
閉者 皂莢剝去硬皮一重了取向內白嫩肉兩  
片 硃砂去黃消人腎氣 訶梨勒用六路者  
胡椒過劑則走氣 薯蕷栗子生乾用有益熟之  
壅氣無益 桑白皮出土者殺人 肉豆蔻多服  
則泄氣得中則和氣 茯苓不去筋則損目 乾  
漆不盡烟則損腸胃 檳榔忌火若熟不如不用

丁子不去花則發背癰 水蛭炒令黃不爾入  
腹生子爲害

右九箇禁條深可慎之

調合之樞機

五藏苦欲補瀉 肝苦急甘草緩之欲散川芎散之  
以辛補之細辛以酸瀉之芍藥肝虛補母腎熟地  
黃黃蘗肝實瀉子心甘草 心苦緩五味子收之  
欲軟芒硝軟之以鹹補之澤瀉以甘瀉之人參心  
虛補母肝生薑實則瀉子脾黃連 脾苦濕白朮

燥之欲緩其草緩之脾虛補母心炒鹽實則瀉子  
肺桑白皮以甘補之人參以苦瀉之黃連 肺苦  
氣上逆黃芩瀉之欲收芍藥收之以酸補之五味  
子以辛瀉之桑白皮肺虛則補母脾甘草實則瀉  
子腎澤瀉 腎苦燥知母黃蘗潤之欲堅知母堅  
之以苦補之黃蘗以鹹瀉之澤瀉腎虛補母肺五  
味子腎本無實不可瀉○瀉藏府火 黃連瀉心  
火 木通瀉丙火小腸也 梔子黃芩瀉肺火 黃  
芩黃連瀉庚火大腸也 柴胡瀉肝火 柴胡黃連

瀉甲火膽也 白芍藥瀉脾火 石膏瀉戊火胃也

正知母瀉腎火 黃蘗瀉龍火膀胱也水中火曰龍火 柴胡

瀉三焦火 若治病詳証以為君以為臣勿執一也

氣味之分別 氣厚陽中之陽氣厚則發熱 氣薄

陽中之陰氣薄則發泄 味厚陰中之陰味厚則泄

酸苦 味薄陰中之陽味薄則通 輕清成象味

鹹寒 本乎天者親上 重濁成形味厚大 本乎地

者親下

三焦服藥之次 在上不厭煩而少 在下不厭煩而多 在心上者先食而後藥 在心下者先藥而後食

多毒少毒之辨 大毒治病十去其六 常毒治病

十去其七 小毒治病十去其八 無毒治病十

去其九 穀肉果菜食養盡之 右莫使過之傷

其正也

五味過傷 過鹹脉凝變色 人過苦皮槁毛拔 過

辛筋急爪枯 白過酸肉勝唇揭 過甘骨痛髮落

七方 大君一臣三佐九 大其服大則服數少少則

也 小君一臣二 小其服小則服數多多則九

緩補上治上以緩 氣味薄也 急補下治下以急 氣味厚也

奇君一臣二又君二臣三也 去咽噎病者 近者奇之 偶

君二臣四又君二臣六也 腎肝之病者 遠者偶之 復奇之

不去偶之也

十劑 宣通補泄輕重滑澀燥濕 添寒熱二劑而謂十二劑也

主療之凡例 補胃實脾進食橘皮人參甘草 內

實內熱黃連黃蘗知母 表虛表寒黃耆人參桂



氣虛氣弱橘皮黃耆人參 氣實氣結青皮木

香厚朴沉香 血虛生地黃當歸身 血實惡血

積當歸梢蘓木紅花 嘔吐半夏 糞結大黃

上焦瘡黃芩 中焦瘡黃連 下焦瘡黃蘗知母

五味用 苦瀉 酸收 辛散 鹹軟 甘發之緩

之 淡滲泄之

生熟之例 凡熟升生降 黃芩黃連黃蘗知母治

頭面及肢梢膚上借酒力在下治裏生用大黃須

煨恐寒損胃氣黃蘗知母地黃下部藥也久弱人

借酒力恐寒傷胃氣

根身梢之例 根氣脉上行生苗者梢氣脉下行

入土者身行中焦根梢

藥七情 單行 相須 相使 相畏 相惡 相

反 相殺

服藥食忌 木桃李 黃連桔梗猪 甘草菘菜

巴豆蘆笋猪 藜蘆狸 半夏苜蒲飴 地黃蕪

菁 空青辰砂生血 細辛生菜 常山生葱

商陸犬 茯苓醋物 天門冬鯉 鼈甲莧

戒賤畜貴人 愛命人畜一也 殺生求生更遠 畜更  
水蛭之輩可市而用之 不在此例 用雞子等皆取  
先破者也

修製通法 金石之類煨之 諸香忌火 諸子仁

炒之 諸根焙之 耆甘之類炙之 附薑之類

炮之 莠稜之類煨之 礬類燻之 骨碎補類

熅之 右修製之大抵也 各依本方矣

湯散丸 湯蕩也 散散也 丸緩也 咬咀如麻

豆大古者無鐵 又以口咬細 治至高病加酒煎

丸藥糊加酒 去濕加生薑煎之 補元氣加大

棗煎之 發散風寒加葱白煎之 散者細末也

去膈上病及藏府病 丸者治下部丸極大而

治中焦次之 治上焦極小之 稠糊麩丸取

遲化直至下焦 酒糊取升散 蜜丸取遲化

醋糊取斂 蠟丸取難化 薑汁取去濕又制半


夏毒 稀糊取易化

右一十六箇條例調合和劑之樞要也

調合之指南


銖兩 稱者量也與秤同又權衡也銖謂之權竿謂  
 之衡凡秤尾之銀星一点謂之銖六銖是一分也  
 四分是一兩也十六兩是一斤也 和劑方日二  
 錢半為一分四分為一兩十六兩為一斤可知二錢半即  
 一分也五錢二分也七錢半三分也十錢即一兩也若本文者雖六銖為一  
 分今以秤分之以六銖難辨二錢半因茲為後學  
 假以五銖為一分則易辨錢數明知二銖即一錢  
 四銖即二錢五銖即二錢半也仍二錢半為一分  
 四分為兩明矣其圖如左

廣秤之圖



唐高祖武德四年鑄開元通寶徑八分重二銖四  
 系積十錢為一兩宋廣秤是也是醫之所通用也  
 經所稱以六銖為一分則其理不悞古人以二十  
 四銖為一兩鎮兩秤以五錢為一兩者序例注晉  
 秤始後漢末以來分一斤為二斤分一兩而為二  
 兩耳蓋由是焉 此一兩十錢也四十字也二十  
 銖也右和劑方之斤兩也


半秤之圖



右一流之秤也宋朝廣秤之其半者也用此秤而調合則水升亦可用其半也養臟湯方曰粟殼三兩六錢芍藥一兩木香一兩訶子一兩肉桂八錢甘草一錢人參當歸白朮各六錢肉豆蔻半兩右之分兩如此則以五錢為一兩則其理難協也以廣秤調之則誠分明也進食圓感應圓牛黃清心圓之類或一兩或一錢或一分或一字或一刀圭豈不辨之哉刀圭者四方各一寸也

升合 開元通寶一百二十四錢水一升之重也和劑曰水一大盞約一升一中盞約五合一小盞約三合今一升之圖注左

一升之圖



墨徑也

四方各三寸二分深一寸八分也

五合之圖

墨徑也

五合徑二寸七分  
而方也深一寸四  
分也

以彼半秤調合則以右之五合升定一升也其水  
之重六十二錢之重也 一尺者開元通寶十二

錢半也排之各比連而為之一尺 以彼半升合  
藥則附子一箇半箇檳榔十枚五枚甘草一尺五  
寸棗一箇半箇也餘準之

大分小分之異 二錢半為一分五錢為二分即半兩也

七錢半為三分十錢為一兩 右是稱大分之分

分一錢而為十其一稱一分其二稱二分其三

稱三分餘準之 右是號小分之分 又以大半

秤調合則大分之分小分之分俱用其半而為折

衷矣

一束一把之辨 諸方云某草一束以重三兩為正  
云一把重三兩為正 以上並又有廣秤半秤  
之異

凡圓藥有鯉魚目之喻是亦可有三秤之分別也二

細麻四兩鯉 大麻六兩鯉 小豆八兩鯉 大

豆十兩鯉 兔葦十二兩鯉 梧子十四兩鯉

彈丸十六兩鯉

右五箇條規合藥調味之分別也

類證辨異全九集卷之二終

